

KELUARAN ANGKATAN
NAHDHATUL ISLAM BERSATU (BINA)



AL-HUDA

SIRI PENGAJIAN DAN MEDIA SILATURRAHIM

TAHUN 2,
NOMBOR 24,
ZULHIJJAH
1407/
JULAI 1987



CARA NABI
MENGAJARKAN AGAMA
DAN AKHLAK

RAHASIA KEKUATAN UMMAH

AL-HUDA

Tahun 2, No. 24 Zulhijjah,
1407/Julai - Ogos 1987

PENGUMUMAN

Tuan-Tuan dan Puan-Puan,
Muslimin dan Mustimat sekalian,
Dimaklumkan dengan segala hormat-
nya bahawa pihak pengurusan pener-
bitan Risalah AL-HUDA mengalu-
alukan sumbangan derma seikhlas hati
bagi membiayai penerbitan seterusnya
risalah ini.

Tiap-tiap derma akan dikeluarkan
resit resmi yang boleh dikecualikan
daripada cukai pendapatan.

Segala sumbangan boleh dialamatkan
seperti berikut:-

Kepada:
Pengarah,
Penerbitan Al-Huda,
Ibu Pejabat BINA,
Jalan Tun Datuk Patinggi
Haji Abdul Rahman Ya'kub,
Petra Jaya, 93050 Kuching, Sarawak.

Sekian dimaklumkan, terima kasih.
Pengarah

KANDUNGAN

Lidah Pengarang	
BULAN PENUTUP TAHUN 1407	2
RUANGAN TAFSIR AL-QURAN	5
RAHASIA KEKUATAN UMMAH	8
ZAKAT: PERKARA-PERKARA YANG YANG BERSANGKUT-PAUT DENGANNYA .	12
Ruang Muslimah	
PENTINGNYA PENDIDIKAN ROHANI DI KALANGAN BELIA-BELIAWANIS	17
APAKAH ERTINYA APABILA SAYA MENJADI SEORANG ISLAM	22
KETENANGAN JIWA MENURUT PANDANGAN ISLAM	25
CARA NABI MENGAJARKAN AGAMA DAN AKHLAK	30
Mutiara Hikmat	
KE'ARIFAN MENILAI KEADAAN YANG DIALAMI DAPAT MELAHIR KESEDERAN	36
RUANGAN FATWA	37
KHAMAR (ARAK)	40
BERITA DUNIA ISLAM	49
LAPORAN DAERAH	51



Penasihat USTAZ HAJI FATHI HAJI DUET • Pengarah TUAN HAJI
MOKHSEN IBRAHIM • Ketua Unit Penerbitan/Rekabentuk/Pengurus Iklan
BUJANG JENAL • Ketua Pengarang USTAZ HAJI MORTADZA HAJI
DAUD • Penolong Ketua Pengarang USTAZ HAJI HASSANOEDDIN ABU
BAKAR • Sidang Pengarang USTAZ HAJI BAHARUDDIN MANSUR,
USTAZ SYED MUHAMAD ALW AL-ATTAS, DR. WAN ALI TUANKU
MADHI, USTAZAH ROHANI BINTI AWI, USTAZ HAJI ALI
FATHULLAH HARUN, TUAN HAJI MOHD. HANIF ALI, USTAZ HJ.
MOHD FAUZI MOHIDIN.

Lidah Pengarang:

BULAN PENUTUP TAHUN 1407

Bismillahirrahmanirrahim
Assalamualaikum warahmatullahi
wabarakatuh

Saudara-saudara se-Iman dan se-Islam.

Zulhijjah adalah bulan penutup tahun. Dengan berakhirnya bulan ini, maka berakhir pulalah tahun hijriah 1407. Umur kita akan berkurang pula satu tahun. Makin lama makin dekatlah kita kepada akhir hayat.

Beralunya masa dari hari ke hari, dari bulan ke bulan dan dari tahun ke tahun, bagi kita umat Islam, mestilah menjadi perhitungan yang serious ke atas perjalanan hidup kita.

Bukankah kita telah diperingatkan oleh Allah S.W.T. dari awal-awal lagi, sebagaimana tersebut dalam firman-NYA, surah Al-'Ashr (Masa), bahawa: Hidup manusia itu akan merugi, kecuali, kalau masa hidupnya itu diisinya dengan mengamalkan 4 (empat) perkara, iaitu:

1. IMAN (percaya) dengan sepenuhnya kepada Allah dengan mengakui segala keistimewaan daripada sifat-sifat, kekuasaan, segala hukum, peraturan dan segala pertunjuk-NYA. Pengakuan itu hendaklah diikuti dan dibuktikan dengan amal perbuatan sehari-hari.

2. Membuat amal saleh, ya'ni berusaha dan mengerjakan perkara-perkara yang mendatangkan faedah dan yang bermanfaat, sesuai dengan hukum syariat Islam, dengan hati yang bersih dan niat yang ikhlas kerana Allah S.W.T.

3. Dalam pergaulan sosial, hendaklah selalu suka saling mengajak kepada yang benar atau saling nasihat menasihati kepada kebenaran.

4. Dan juga suka saling nasihat menasihati dengan kesabaran, mengendalikan hawa nafsu dan emosi yang meluap-luap, hinggalah tidak mudah timbul pergaduhan dan permusuhan diantara sesama kita.

Dengan nasihat kesabaran dimaksudkan juga ialah, supaya kita teguh dalam pendirian menegakkan kebenaran, dan supaya berjuang dengan gigih dan tidak mudah putus asa.

Saudara-saudara,

Sepanjang tahun yang kita lalui, maka pada bulan Zulhijjah inilah kita mesti meneliti dan menyemak semula rekod perjalanan hidup kita semenjak daripada bulan Muharram.

Kita hendaklah dapat mengetahui untung-rugi daripada hidup dan

penghidupan yang telah kita jalani dari mulai awal tahun.

Perkara membuat perhitungan ('account') ini, adalah satu peraturan yang merupakan sunnah dalam Islam. Sebab Baginda Amirul Mukminin Umar bin Al-Khattab telah memberi arahan kepada ummat:

حَاسِبُوا أَنْفُسَكُمْ
قَبْلَ أَنْ تُحَاسَبُوا .

Yang bermaksud: "Buatlah perhitungan atas dirimu sendiri, sebelum kamu kelak dihadapkan ke mahkamah perhitungan dari Allah (Pengadilan Akhirat)".

"Aqidah" kita mengajarkan, bahawa kesempatan minta ampun kepada Allah serta kesempatan memperbaiki segala kesalahan hanya terbuka selama kita masih hidup di dunia. Manakala selepas mati, dan kita berada di alam Akhirat, maka peluang itu sudah tertutup.

Saudara,

Sebagai rakyat yang beriman dalam Islam di negeri Sarawak yang kita cintai ini, kita mesti sedar tentang kedudukan, hak dan kewajipan kita, bahawa kita telah dijadikan oleh Allah dan dilahirkan di bumi ini, dan Allah telah memerintahkan kepada kita supaya kita memakmurkannya.

Firman Allah dalam Al-Quran, Surah Huud, ayat 61:

هُوَ أَنْشَأَكُمْ مِنَ الْأَرْضِ

وَأَسْتَعْمَرَكُمْ فِيهَا

(هود 61)

"Dia (Allah) telah menciptakan kamu dari tanah (bumi) dan Dia telah minta kamu memakmurkannya".

Maka bagi kita, umat Islam, adalah merupakan satu kewajipan untuk ikut mengambil bahagian secara aktif dalam pembangunan Negeri ini, lahir dan batin. Kita tidak boleh sekali-kali tinggal sebagai penonton di balik pagar sahaja.

Kehadiran kita, sebagai Muslimin, ditengah-tengah masyarakat ataupun didalam sesuatu majlis, baik resmi sebagai ahli Dewan Undangan atau sebagai menteri, pegawai dan kakitangan kerajaan, maupun sebagai orang-orang swasta, mestilah dapat menyumbangkan tenaga atau buah fikiran secara aktif, demi kelancaran jalannya roda pembangunan ummat dan bangsa yang kita cintai ini.

Kita mestilah ikut terjun dalam aktiviti-aktiviti pembangunan dalam segala bidang yang dihalalkan oleh Syari'at Agama kita. Kita mesti aktif membuat usaha-usaha dan pekerjaan yang makruf, di samping kita juga mesti waspada terhadap usaha dan pekerjaan yang mungkar, lebih-lebih terhadap perkara-perkara yang maksiat. "Amal Makruf, Nahi Mungkar", adalah satu tugas hidup yang diperintahkan oleh Agama kita yang suci.

Tugas "Amal Makruf, Nahi Mungkar" adalah satu tugas berat. Ianya memerlukan satu kekuatan, kekuatan lahir dan batin. Kekuatan itu mesti ada pada diri setiap Muslim dan juga pada

tubuh jamaah kaum Muslimin itu. Inti kekuatan ini adalah: (i) iman yang teguh, (ii) sikap taqwa yang diamalkan, (iii) perpaduan yang erat sesama Muslim (Ukhuwah Islamiah).

Saudara,

Sekiranya ketiga-tiga faktor tersebut tidak terdapat pada tubuh ummat Islam di negeri ini, atau dianya dalam keadaan lemah, maka hal itu perlu kita rakamkan dalam file perhitungan bulan Zulhijjah ini. Kita semua hendaklah mengambil berat tentang keadaan yang berlaku, sehingga kita dapat menyusun rencana kerja buat tahun baru yang akan datang, yakni mulai Muharram tahun 1408H.

Kita semua sedia maklum, bahawa pada bulan Zulhijjah setiap tahun ada semacam satu kongres ummat Islam di tanah suci Makkah Al Mukarramah. Berkumpulnya ummat Islam dari seluruh penjuru dunia di musim haji itu melambangkan satu kesatuan ummah yang sama-sama mengabdikan diri kepada Allah Yang Maha Esa. Tidakkah hal ini menjadi perhatian bagi kita ummat Islam di tiap-tiap negeri? Setiap mereka yang pulang dari haji, yang biasanya kita panggil dengan "Tuan Haji" atau "Puan Haj-

jah", seyogianya dapat membawa kembali ke tanah airnya rasa persatuan dan perpaduan ummah itu.

Setiap haji dan hajjah itu sekembali ke tanah air hendaklah dapat menanamkan bibit perpaduan dan persaudaraan di "Bumi Kenyalang" yang subur ini. Sekiranya bumi ini sendiri yang kurang subur, maka tuan haji dan puan hajjah itu mestilah berusaha dan berjuang meneroka dan membajanya, sehingga ianya menjadi subur dan dapat menghasilkan kemakmuran bersama.

Saudara,

Kita semua, baik yang belum haji atau yang sudah haji, lebih-lebih lagi yang sudah termasuk ke dalam kategori pemimpin, hendaklah merasa wajib meninjau semula keadaan hidup dan perjuangan kita, sekurang-kurangnya sekali setahun pada bulan penutup tahun, atau bulan Zulhijjah, ibaratnya seorang pedagang menutup dan membuat perhitungan laba-rugi daripada perdagangannya seitaip akhir tahun.

Semoga kita semua termasuk kepada hamba-hamba Allah yang pandai bersyukur kepada-NYA, Amin-Amin!!

Wabillahiitaufiq walhidayah.

Wassalamu'alaikum.

يَا أَيُّهَا الَّذِينَ آمَنُوا اتَّقُوا اللَّهَ وَلْتَنْظُرْ نَفْسٌ مِمَّا قَدْ تَلَوَتْ
وَاتَّقُوا اللَّهَ، إِنَّ اللَّهَ خَبِيرٌ بِمَا تَعْمَلُونَ (الحشر : ١٨٠)

"Hai orang-orang yang beriman, bertaqwalah kepada Allah dan hendaklah setiap diri memperhatikan apa yang telah di perbuatnya untuk hari esok (akhirat) dan bertaqwalah kepada Allah. Sesungguhnya Allah mengetahui apa yang kamu kerjakan.

(Al Hasyr: 18).

SIRI PERTAMA

RUANGAN TAFSIR AL-QURAN

oleh: Al-Ustaz Haji Mohd. Mortadza Hj Daud

Izinkan saya mengajak sidang pembaca mengikuti tafsir ayat-ayat di dalam surah "Al-Haj".

Surah "Al-Haj" ialah surah yang ke-22 dari surah-surah Al-Quran; dalam Juzu' yang ke 17. Al-Haj maksudnya "Ibadah Haji". Jumlah ayat-ayatnya ialah sebanyak 78 ayat. Semua ayat-ayatnya, ayat-ayat Madaniah, kecuali ayat-ayat yang ke-52, 53, 54 dan 55.

Berkata Al-Azizi, "Surah ini ialah surah yang paling ajaib diantara surah-surah yang lain, kerana diantara ayat-ayatnya ada yang diturun diwaktu malam dan ada yang diturun di waktu siang; ada yang diturun diwaktu Rasulullah (s.a.w) didalam perjalanannya dan ada yang diturun diwaktu beliau berada di tempat kediamannya; ada yang diturun di Mekah dan ada yang diturun di Madinah, ada yang diwahyukan diwaktu aman dan ada yang diwahyukan di dalam masa peperangan, ada ayat-ayatnya "Muhkamah" dan ada pula ayat-ayatnya "Mutasyabihah". Boleh disimpulkan bahawa, isi kandungan surah Al-Haj ini

membicara tiga perkara yang berikut:-

- 1) Perkara kebangkitan dan dalil-dalilnya serta perkara-perkara yang berhubung dengan kebangkitan itu.
- 2) Perihal ibadat Haji dan Masjidilharam.
- 3) Perkara am, seperti peperangan: kebinasaan orang-orang zalim; bukti-bukti yang menunjukkan ujudnya Yang Menjadi Alam ini dengan adanya peraturan-peraturan yang tertentu pada benda-benda yang ada; misal-misal yang membuktikan kedaipan berhala-berhala yang disembah oleh orang-orang Musyrikin; diantara kedaipan berhala-berhala itu ialah; hendak menjadikan seekor lalat pun berhala-berhala itu tidak berdaya apatah lagi hendak menunaikan permohonan-permohonan dari manusia.

Firman Allah Subahanahu Wataala:

بِسْمِ اللَّهِ الرَّحْمَنِ الرَّحِيمِ

يَا أَيُّهَا النَّاسُ اتَّقُوا رَبَّكُمْ .
 إِنَّ زَلْزَلَةَ السَّاعَةِ شَيْءٌ عَظِيمٌ .
 (الحج : ١)

Kira ertinya:

"Ayuhai Manusia! Hendaklah kamu bersifat taqwa kepada Tuhah kamu. Sesungguhnya perguncangan saat kiamat itu adalah suatu (peristiwa) yang besar (sangat dahsyat)."

(Surah Al-Haji, Ayat: 1)

Keterangan lanjut:

Dengan ayat ini Allah memerintah manusia supaya bersifat taqwa kepadaNYa. Bertaqwa bererti membuat segala yang disuruh Allah dan meninggal segala yang ditegah olehNYA. Firman tadi berbunyi:

يَا أَيُّهَا النَّاسُ اتَّقُوا رَبَّكُمْ

Kira maksudnya:

"Wahai Manusia! Berjaga-jagalah daripada siksaan Allah. Kalau kamu hendak selamat daripada siksaanNYA hendaklah kamu bertaqwa kepadaNYA, dengan membuat yang diperintah Allah dan menjauhi diri daripada yang dilarang olehNYA.

"Khitab Allah, iaitu firman Allah ini tadi dihalakan kepada seluruh umat manusia, baik yang ada pada masa Rasulullah, maupun yang ada pada masa kita ini, ataupun yang akan ada pada masa mendatang hingga ke hari kiamat.

Mengapa mereka mesti bersifat taqwa kepada ALLAH? Kerana pada suatu

masa kelak akan berlaku kiamat. Kiamat ialah satu peristiwa yang amat dahsyat yang akan diterang oleh ayat-ayat yang berikut. Diantaranya firman Allah:

إِنَّ زَلْزَلَةَ السَّاعَةِ شَيْءٌ عَظِيمٌ .

Maksudnya:

"Sesungguhnya guncangan gempa hari kiamat itu adalah satu perkara (kejadian) yang amat dahsyat."

Ayat ini memberi ingat kepada manusia supaya mereka terselamat daripada siksaan kiamat, seperti yang telah kita katakan bahawa kiamat adalah suatu peristiwa yang sangat dahsyat, didalamnya berlaku bermacam-macam kejadian yang sungguh-sungguh mengerikan.

Hampir-hampir hendak kiamat, gempa akan berlaku, kemudian seluruh alam akan hancur lebur. Yang hancur itu akan diganti oleh Allah dengan yang baharu, sebagaimana yang telah diterang oleh firman Allah sebelum ayat ini, yang bermaksud, bahawa langit di hari kiamat kelak bukanlah langit yang ada pada kita hari ini. Langit yang ada kita lihat hari ini akan binasa, hancur lebur bergolong-golong seperti golongan kertas yang tidak diguna lagi. Ia disebabkan oleh guncangan kejadian kiamat yang amat dahsyat itu.

Gambaran-gambaran kiamat ada diterang oleh beberapa ayat-ayat Al-Quran diantaranya firman Allah:

إِذَا زُلْزِلَتِ الْأَرْضُ زِلْزَالَهَا .
 وَأَخْرَجَتِ الْأَرْضُ أَثْقَالَهَا .

• (الزلزلة: ١-٢)

Maksudnya:

"Ketika bumi digoncang dengan goncangan yang hebat (1) dan bumi mengeluarkan isinya (2)".

Oleh kerana kuatnya goncangan bumi kerana gegaran kiamat, maka segala isi bumi terhumban keluar dari perutnya (bumi).

2) Firman Allah:

وَحُمِلَتِ الْأَرْضُ
وَالْجِبَالُ فَدُكَّتَا دَكَّةً
وَاحِدَةً

فَيَوْمَئِذٍ وَقَعَتِ الْوَاقِعَةُ

• (الحاقة: ١٤-١٥)

Maksudnya:

"Bumi dan gunung-gunung diangkat lalu keduanya dihancur dengan sekali hancur (14). Dihari itu jadilah satu kejadian yang besar (dahsyat)(15)".

3) Firman Allah lagi

إِذَا رُجَّتِ الْأَرْضُ رَجًا
وَسُيِّرَتِ الْجِبَالُ سَيْرًا

• (٤) وَيَبْتَ الْجِبَالُ يَبًا

• (الواقعة: ٤-٥)

Maksudnya:

Ketika bumi digoncang dengan goncangan yang hebat (4) dan gunung-gunung dihancurkan dengan sehancur-hancurnya (5).

Demikianlah diantara gambaran-gambaran betapa dahsyatnya kejadian-kejadian yang berlaku dalam diri hari kiamat itu. Misalnya, mahluk dihimpun di Padang Mahsyar, dihisab dan seterusnya diberi balasan kepada setiap diri masing-masing, sedangkan matahari sangat hampir dari atas kepalanya, menyinar cahaya yang sangat panas sekali, tidak ada satu apa pun benda yang boleh tempat mereka berlindung dari pancaran cahaya matahari itu, tidak ada air untuk menghilangkan kehausan, dan lain-lain lagi. Begitulah mereka disuruh berhimpun untuk beberapa lama (Bersambung).

Maka apabila engkau membaca Al-Quran maka hendaklah engkau berlindung dengan Allah daripada syaitan yang direjam yakni bacalah: "Auzubillahiminasyaithanirrajim".

RAHASIA

RAHASIA KEKUATAN UMMAH

Oleh: Abdul Hadi Awang

Firman Allah S.W.T.

... وَلِلَّهِ الْحِزَّةُ وَلِرَسُولِهِ وَلِلْمُؤْمِنِينَ وَلَكِنَّ الْمُنَافِقِينَ لَا يَعْلَمُونَ
(المنافقون : ١٠)



Kemanis iman kita teruji sekalipun nyawa kita dihujung senyawa.

Maksudnya:

"..... Padahal kekuatan itu hanyalah bagi Allah, bagi RasulNYA dan orang-orang yang beriman, akan tetapi orang-orang yang munafik itu tidak mengetahuhi."

(Q-S 63, A-8)

Apabila kita membaca ayat yang tersebut diatas, kita akan dapat melihat kelemahan-kelemahan yang sedang dihadapi oleh ummat Islam pada hari ini. Hal ini menyebabkan kita bertanya kepada diri kita sendiri, di manakah kebenaran serta hubungan penyesuaian ayat ini dengan diri kita sedangkan ayat diatas telah menjanjikan kekuatan kepada orang-orang yang beriman? Bukankah kita sudah pun menjadi orang-orang Islam dan beriman, tetapi kenapakah kita berada di dalam keadaan yang seperti ini? Di firmankan oleh Allah itu, di mana ummat Islam adalah sepatutnya di beri oleh Allah S.W.T. dengan kemuliaan Islam dan dengan perutusan Nabi Muhammad S.A.W.

Kalau kita merenungi ayat ini dengan sedalam-dalamnya, kita akan mengerti bahawa kekuatan ummat ini adalah terletak kepada iman yang ada di dalam hati mereka dan bukannya terletak kepada jumlah mereka, pangkat, serta hartabenda mereka, tetapi ianya adalah terletak kepada iman yang membetulkan segala hartabenda, yang membetulkan segala jumlah, dan bahawa sesungguhnya imanlah yang akan menentukan kekuatan ummat ini.

Bertanyalah kepada diri kita. Dimanakah letaknya iman kita? Untuk mengetahui jawapan di manakah letaknya iman kita itu, marilah kita kembali memerhatikan kepada penjelasan yang telah pun dijelaskan oleh Baginda Nabi

Muhammad S.A.W. dalam satu sabdanya yang bererti:

"Sesiapa pun mempunyai ketiga-tiga perkara ini, maka ia telah mendapati didalam dirinya kemanisan iman, iaitulah: (Pertama): Bahawa ia hendaklah kasih kepada Allah dan RasulNYA sehingga melebihi daripada kasih kepada yang lain daripada keduanya. (Kedua): Bahawa mereka tidak kasih kepada yang lain melainkan kerana Allah S.W.T. (Ketiga): Ia benci dengan sebenci-bencinya untuk menjadi kafir sebagaimana ia benci dan tidak suka sekiranya ia di campakkan ke dalam Api Neraka".

(Mutafaqun 'alaih)

Inilah dia kemanisan iman dan tanda kemanisan iman ini Nabi Isa A.S. pernah menyatakan seperti berikut:

"Wahai sahabat-sahabatku! Kamu adalah garam di bumi ini; sekiranya garam itu tidak ada masinnya, apakah mungkin makanan itu akan menjadi masin?"

Kita tanyalah kepada diri kita, apatah diri kita ini merupakan garam yang ada memiliki masin? Apakah kita merupakan gula yang ada manisnya? Atau dengan lain perkataan apakah kita ini orang-orang yang beriman yang mana terdapat di dalam diri kita ini kemanisan iman?

Tanda wujudnya iman di dalam dada kita itu, ada mempunyai ciri-ciri serta sifat-sifatnya seperti mana yang telah disebutkan oleh Rasulullah S.A.W. itu. Di mana kita hendaklah kasih kepada Allah dan RasulNYA melebihi daripada kasih kita kepada yang lain? Kita hendaklah kasih kepada sesuatu yang lain kerana Allah dan hukumnya dan bukan kerana yang lain; begitu juga kita benci untuk kembali kepada kekufuran sebagaimana

kita benci dengan sebenci-bencinya dan tidak mahu kalau diri kita itu dicampak ke dalam api yang sedang menyala. Apakah sifat-sifat serta ciri-ciri ini ada di dalam diri kita?

Apakah kita ini merupakan patung-patung yang tidak bernyawa, merupakan patung iman yang tidak mempunyai roh imannya, yang merupakan Serigala yang di letakkan di Muzium (disuntik dengan ubat supaya keras) yang tidak bernyawa; kelihatan pada zahirnya bengis dan menakutkan; tetapi pada hakikatnya tidak bernyawa dan langsung tidak mempunyai jiwa.

Apakah kita mempunyai roh keimanan yang memiliki kemanisan iman di dalamnya? Tanyalah diri kita sendiri.

Marilah kita melihat contoh orang-orang yang mempunyai kemanisan iman di dalam dirinya pada zaman Rasulullah S.A.W.

Umpamanya Syaidina Khubaib r.a. yang telah ditawan oleh orang-orang kafir di dalam satu pertempuran (peristiwa), di mana orang-orang kafir telah meletakkan mata tombak dan lembing kepada badan Khubaib yang sedang berdarah sedikit demi sedikit. Lalu Khubaib ditanya oleh mereka: "Bagaimana perasaan kamu wahai Khubaib! Jika sekiranya tempat ini digantikan dengan Muhammad?" Khubaib menjawab: "Aku lebih suka kalau aku berada di sini, daripada Rasulullah S.A.W."

Peristiwa tersebut jelas menandakan bahawa: kecintaan Khubaib kepada Rasulullah S.A.W. mengatasi kecintaannya kepada dirinya sendiri. Begitu juga kita melihat bagaimana sikap yang telah ditunjukkan oleh Suhaib Al-Rumi r.a. yang mempunyai harta yang banyak di Mekah.

Apabila dalam perjalanan beliau menuju ke Madinah, beliau telah di halang oleh orang-orang kafir Quraisy, kata mereka:

"Wahai Suhaib! Kamu telah berapa lama berada di Mekah dengan mengumpulkan kekayaan, kemudian mahu meninggalkan Mekah bersama-sama Muhammad?" Lalu Suhaib Al-Rumi bertanya kepada orang-orang yang menghalangnya: "Jika sekiranya segala hartabenda aku yang ada di Mekah itu aku serahkan kepada kamu apakah kamu izinkan aku berhijrah?" Ujar orang-orang Quraisy: Ya! "Lalu Suhaib dengan berani dan penuh kerelaan hati berkata: "Harta benda aku di Mekah itu adalah milik kamu semua dan aku berhijrah ke Madinah".

Sikap yang ditunjukkan itu jelas menggambarkan perihal kemanisan iman, menunjukkan bahawa kecintaan kepada Allah dan RasulNYA mengatasi kecintaan kepada harta benda serta lainnya.

Begitu juga dengan sikap yang telah ditunjukkan oleh Abu Salamah r.a. Walaupun isteri serta anak-anaknya berada di dalam ancaman, namun beliau tetap berhijrah bersama-sama Rasulullah S.A.W.

Inilah sikap yang ditunjukkan oleh sahabat-sahabat Nabi r.a. yang ada di dalam hati mereka kemanisan iman.

Sesungguhnya kita orang yang beriman di zaman ini telah banyak terpesung daripada Islam, ini semata-mata kerana sayangkan pangkat, hartabenda, anak-pinak kita dan sebagainya. Tidakkah keyakinan iman yang ada di dalam hati seseorang itu menyakini bahawa Allah S.W.T. lah yang menentukan umurnya, Allahlah yang memberi rezeki serta menentukan baik buruknya di atas muka bumi, dan bukannya makhluk. Tidakkah keyakinan

disematkan di dalam hati? Bilamana keyakinan seperti ini tidak wujud maka selagi itulah kemanisan iman itu tidak terasakan oleh kita. Apabila kemanisan iman tidak wujud, maka tidak ada kecintaan dan kasih kita kepada Islam. Ini seumpama gula yang tidak ada manisnya, seperti garam yang tidak ada masinnya. Namanya sahaja sebagai garam, tapi masinnya tiada, begitu juga namanya sahaja gula tapi ketiadaan manisnya.

Selanjutnya namanya sahaja sebagai orang-orang yang beriman sedangkan kemanisan iman itu tiada sama sekali dalam diri kita. Selagi kita gagal menyempurnakan hakikat ini bererti kemuliaan serta kekuatan yang dijanjikan oleh Allah S.W.T. itu tidak akan terlaksana atau tidak akan di capai oleh kita semua.

Ini adalah disebabkan oleh iman yang ada di dalam dada itu hanyalah merupakan iman yang palsu yang pembongkaran belaka terhadap Allah S.W.T.

Tidak dapat dinafikan bahawa kita yang hidup ini mempunyai kepentingan yang diperlukan; seperti kepentingan diri, keluarga, hartabenda, pangkat dan sebagainya lagi. Tetapi perlulah diyakini bahawa imanlah yang dapat menyelamatkan kepentingan-kepentingan yang tersebut itu, di mana para sahabat Rasulullah S.A.W. yang mempunyai kemanisan iman telah tidak menghiraukan sesiapa sahaja dalam melaksanakan dan menegakkan Agama Allah S.W.T.

Dengan kemanisan iman yang ada di dalam diri Khalid Bin Al Walid inilah beliau mengungkapkan:

"Bahawa umat Islam akan menang apabila mereka yakin dengan pertolongan

Allah S.W.T. dan sesungguhnya mereka yang banyak jumlahnya tidak akan mendapat pertolongan daripada Allah S.W.T."

Apabila diberitahu kepadanya tentang jumlah tentera Rom sebanyak tiga ratus ribu berbanding dengan tentera Islam hanya sebanyak tiga puluh ribu orang sahaja.

Kemanisan iman yang ada di dalam diri para sahabat Rasulullah S.A.W. menyebabkan mereka berlumba-lumba untuk menuju ke syurga apabila mereka diberitahu berkenaan dengannya serta berebut-rebut mencari kebahagiaan akhirat apabila mereka diberitahu mengenainya.

Orang-orang yang beriman pada hari ini amat berbeza dengan apa yang telah disebutkan, mereka hanya mengaku beriman kepada Allah tetapi tidak yakin bahawa rezeki itu adalah pemberian daripada Allah S.W.T.

Kita mengatakan bahawa kita yakin kepada Allah sedangkan tindak-tanduk kita berlainan dengan apa yang diucapkan itu.

Kita telah diberitahu berkenaan dengan hari akhirat, adanya pembalasan Allah ke atas kita dan kita mengatakan bahawa kita mempercayainya, akan tetapi tindak-tanduk kita seolah-olah menggambarkan bahawa kehidupan kita hanya di atas dunia ini sahaja dan tidak ada kehidupan di akhirat serta pembalasannya bagi kita. Inilah sikap yang telah ditunjukkan oleh ummat Islam pada hari ini.

Wallahua'lam.

ZAKAT

Unta dan kerbau antara binatang ternakan yang wajib dizakat.



ZAKAT: PERKARA-PERKARA YANG BERSANGKUT- PAUT DENGANNYA

Dipetik dari nota-nota kuliah Ilmu Pendidikan Islam (ITM) oleh IDRIS BOHARI.

1. Zakat

Zakat ialah kadar yang terhad dari harta-harta tertentu yang wajib diberikan kepada yang berhak menerimanya, dengan beberapa pensyaratan tertentu.

2. Jenis-jenis Zakat

Zakat terbahagi kepada dua jenis:

- i. Zakat harta : Zakat yang berdasarkan kepada harta tertentu. Kadarnya juga dikira daripada banyak atau sedikit sesuatu harta itu.
- ii. Harta kebadanan : Zakat yang berdasarkan kepada bilangan kadar tertentu. Zakat ini lebih dikenali sebagai zakat fitrah.

3. Zakat Harta

Bukan semua harta wajib dikeluarkan zakatnya. Seperti pakaian, tempat kediaman atau kenderaan yang digunakan sendiri, tidak dikenakan zakat. Tetapi harta-harta di bawah ini mestilah dikeluarkan zakatnya setelah cukup segala pensyaratannya. Harta-harta itu ialah:

- i. Binatang ternakan,
- ii. Bijian makanan,
- iii. Buah-buahan,
- iv. Emas dan perak atau wang dan barangan yang berharga,
- v. Harta-harta perniagaan.

4. Binatang Ternakan

Jenis binatang ternakan yang diwajibkan zakat ialah:

- i. Unta,
- ii. Lembu, (kerbau),
- iii. Kambing, (biri-biri).

Pensyaran wajib zakat ialah:

- i. Pemiliknya beragama Islam,
- ii. Pemiliknya merdeka (bukan hamba),
- iii. Pemiliknya memiliki dengan sempurna,
- iv. Ternakan itu sampai nisabnya,
- v. Pemilikan itu sampai haulnya,
- vi. Ternakan itu digembala dirumput yang harus.

5. Nisab Ternakan Unta

Unta yang tidak sampai lima ekor tidak dikenakan zakat. Tetapi apabila:

- 5 ekor, zakatnya ialah seekor kambing,
- 10 ekor, zakatnya ialah 2 ekor kambing,
- 15 ekor, zakatnya ialah 3 ekor kambing,
- 20 ekor, zakatnya ialah 4 ekor kambing,
- 25 ekor, zakatnya ialah seekor anak unta berumur setahun lebih,
- 36 ekor, zakatnya ialah seekor anak unta berumur 2 tahun lebih,
- 46 ekor, zakatnya ialah seekor anak unta berumur 3 tahun lebih,
- 61 ekor, zakatnya ialah seekor anak unta berumur 4 tahun lebih,
- 76 ekor, zakatnya ialah 2 ekor anak unta berumur 2 tahun lebih,

91 ekor, zakatnya ialah 2 ekor anak unta berumur 3 tahun lebih,
121 ekor, zakatnya ialah 3 ekor anak unta berumur 2 tahun lebih.

Dan kemudiannya, tiap-tiap 40 ekor unta, zakatnya ialah seekor anak unta yang berumur 2 tahun lebih. Dan tiap-tiap 50 ekor unta, zakatnya ialah seekor anak unta berumur 3 tahun lebih.

(Maksud sabda Rasulullah)

Panduan

- i. Anak unta berumur setahun lebih ialah: Bintu Mukhadh,
- ii. Anak unta berumur 2 tahun lebih ialah: Bintu Labun,
- iii. Anak unta berumur 3 tahun lebih ialah: Hiqqah,
- iv. Anak unta berumur 4 tahun lebih ialah: Jaza'ah.

6. Nisab Ternakan Lembu

Nisab zakat lembu ialah:

Tiap-tiap 30 ekor lembu: zakatnya ialah seekor anaknya yang berumur setahun lebih (tabi'un).

Dan tiap-tiap 40 ekor lembu, zakatnya ialah seekor anaknya berumur 2 tahun lebih (musinnah).

7. Nisab Ternakan Kambing/biri-biri

Nisab ternakan kambing atau biri-biri adalah sebagai berikut:

Antara 40 hingga 120 ekor, zakatnya ialah 1 ekor,

Antara 121 hingga 200 ekor, zakatnya ialah 2 ekor,

Antara 202 hingga 300 ekor, zakatnya ialah 3 ekor,

Dan apabila lebih daripada itu, maka tiap-tiap 100 ekor kambing, zakatnya ialah seekor kambing.

8. Bijian Makanan

Pensyaratan wajib zakat bijian makanan ialah:

- i. Pemiliknya beragama Islam,
- ii. Pemiliknya merdeka (bukan hamba),
- iii. Pemiliknya memiliki dengan sempurna,
- iv. Bajian makanan itu sampai nisabnya,
- v. Bajian makanan itu hasil tanaman manusia,
- vi. Bijian makanan itu dapat mengenyangkan,
- vii. Bijian makanan itu tahan disimpan oleh manusia dengan lama.

9. Nisab Bijian Makanan

Nisab bijian makanan ialah apabila sampai 5 ausaq atau 300 sq'. iaitu kira-kira 930 liter.

Kadar yang wajib dikeluarkan sebagai zakat ialah:

- i. 10 peratus jika tanamannya diairi oleh sungai atau hujan.

- (tanpa mengeluarkan perbelanjaan) atau perairan tabi'iy, ii. 5 peratus jika tanamannya diairi dengan usaha atau perairan yang memerlukan kepada perbelanjaan.

10. Buah-buahan

Nisab dan kadar zakat buah-buahan adalah sama dengan nisab dan zakat zakat bijian makanan (Lihat:9)

11. Pensyaratan Buah-buahan

Buah-buahan yang diwajibkan zakat mestilah memenuhi segala pensyaratan berikut:

- i. Pemiliknya beragama Islam,
- ii. Pemiliknya merdeka (bukan hamba),
- iii. Pemiliknya memiliki dengan sempurna,
- iv. Buah-buahan itu sampai nisabnya.

12. Emas dan Perak

Emas dan perak (termasuk wang) wajib dikeluarkan zakatnya apabila cukup pensyaratan berikut:

- i. Pemiliknya beragama Islam,
- ii. Pemiliknya merdeka (bukan hamba),
- iii. Pemiliknya memilikinya dengan sempurna,
- iv. Emas dan perak itu sampai nisabnya,
- v. Emas dan perak itu sampai haulnya.

13. Nisab Emas dan Perak

Nisab emas ialah 20 mitsqal (dinar). Kira-kira 93.6 gram,
Nisab perak ialah 2000 dirham. Kira-kira 624 gram.

14. Kadar Zakat Emas dan Perak

Kadar zakat yang wajib dikeluarkan dari harta emas dan perak ialah: 2½ peratus sahaja.

15. Harta-harta perniagaan

Harta-harta perniagaan yang wajib dikeluarkan zakat ialah yang mencukupi pensyaratan berikut:

- i. Pemiliknya beragama Islam,
- ii. Pemiliknya merdeka (bukan hamba),
- iii. Pemiliknya memiliki dengan sempurna,
- iv. Harta-harta itu sampai nisabnya,
- v. Harta-harta itu cukup haulnya.

16. Nisab dan Kadar

Nisab dan kadar zakat harta-harta perniagaan ini adalah sama dengan nisab dan kadar zakat emas dan perak.

17. Zakat Keadanan

Zakat keadanan atau zakat fitrah ini wajib dikeluarkan pada tiap-tiap raya fitri (raya puasa) dengan pensyaratan berikut:

- i. Seseorang itu Muslim,
- ii. Seseorang itu sempat hidup hingga terbenamnya bulatan matahari di hari terakhir bulan Ramadhan.
- iii. Memiliki harta yang lebih daripada keperluannya dan keperluan tanggunannya pada malam dan siang raya,
- iv. Walau bagaimanapun, seseorang yang tidak atau belum memiliki harta seperti di atas, sedangkan dia di bawah tanggungan orang lain atau walinya, maka kewajipan mengeluarkan zakat fitrah itu ditanggung oleh orang yang bertanggungjawab atau walinya itu.

18. Kadar Zakat Fitrah

Kadar zakat fitrah ialah satu So' seorang. Samada dia seorang lelaki atau perempuan, kanak-kanak atau dewasa.

19. Masa Wajib zakat Fitrah

Waktu diwajibkan zakat fitrah ini ialah bermula dari terbenamnya bulatan matahari hari terakhir Ramadhan. Namun begitu, mengeluarkan zakat fitrah itu sendiri, dikaitkan dengan hukum-hukum tertentu berdasarkan kepada masa mengeluarkannya. Iaitu:

- | | |
|------------------|--|
| i. Waktu Sunat | : Mengeluarkan di waktu sesudah sembahyang subuh, tetapi sebelum sembahyang raya, "Idil Fitri" |
| ii. Waktu Makruh | : Mengeluarkan di waktu sembahyang raya Idil Fitri, tetapi sebelum terbenamnya matahari hari itu. |
| iii. Waktu Haram | : Mengeluarkan di waktu sesudah terbenamnya matahari hari raya "Idil Fitri". |
| iv. Waktu Harus | : Mendahulukan mengeluarkan fitrah di dalam bulan Ramadhan. Iaitu, bermula dari awal Ramadhan hingga terbenamnya matahari hari akhir Ramadhan. |



RUANG MUSLIMAH

Pentingnya Pendidikan Rohani Di Kalangan Belia - Beliawanis

Oleh: Ummu Nuha

Dalam situasi yang di selubungi dengan gejala-gejala yang boleh merosakkan akhlak maka pendidikan

rohani adalah penting, sama pentingnya kepada manusia dengan pendidikan jasmani. Iaitu apabila seseorang itu telah



Dengan mempelajari ilmu agama boleh mengukuhkan dan membersihkan kerohanian kita.

terselenggara makan minumannya, teratur tempat tinggal dan pakaiannya, terlatih pergerakan pancaindera dan tubuh badannya yang membuat ia memiliki badan yang tegap, sihat dan segar, dan inilah yang dinamakan insan yang berjaya melaksanakan keperluan hidupnya dan kehendak jasmaninya. Tetapi tidak semudah itu mengisi keperluan rohani yang sukar di lihat dengan mata kepala. Dia lebih tinggi dari jasmani, kerana dia dapat menguasai dan memerintah tubuh dan pancaindera untuk melakukan sesuatu. Jasmani tidak dapat menguasai rohaninya, ia tidak dapat memerintahnya untuk berbuat sesuatu. Seorang yang sihat dan tegap badannya belum tentu memiliki jiwa (rohani) yang kuat, demikianlah orang yang kenyang jasmaninya mungkin memiliki rohani yang lapar dahaga. Kini kita lihat sebilangan besar diantara belia-beliawanis yang runtu akhlakunya dan rendah pekertinya kerana memiliki rohani yang lemah, lemah untuk menentang godaan syaitan, lemah dari tertarik oleh bujuk rayu yang lunak-lunak, sehingga mereka lupa daratan. Dan dengan begitu megah mereka laungkan; inilah kehendak zaman moden. Siapa yang tidak mengikutnya dan meniru-niru yang serba kemodenan, dia di anggap seperti katak di bawah tempurung, Kuno, tidak pandai mengikut perkembangan zaman. Tetapi mereka lupa bangsa-bangsa maju dan moden di dalam erti kata yang sebenarnya telah menembusi angkasa menyelidiki bintang-bintang yang bertaburan di cakrawala Alam Allah yang penuh dengan rahsianya. Ini terbukti yang kita hanya mengutip hampas dan sisa-sisa kemajuan dan kemodenan hakiki yang telah di buang oleh bangsa-bangsa yang telah lama

sedar tentang nilai hidup.

Sebagai seorang muslim dan muslimah kita harus selalu berhati-hati sampai dimana keterlanjuran kita dan setakat mana kemajuan hakiki yang telah kita capai. Adakah di katakan maju kalau hanya meniru-niru lagak gaya orang yang bukan Islam, baik dari tata cara per-cakapannya, fesyen pakaiannya dan tingkah lakunya yang kurang santun. Seharusnya kita tunjukan kepada mereka apa yang ada pada kita, bukan meniru-niru sesuatu yang tidak berfaedah dari mereka. Untuk pedoman kita di hari-hari yang akan datang. Kalau rohani kita lemah, harus di usahakan supaya menjadi kuat, kalau kotor harus di bersihkan, kalau kosong harus di isi, seandainya menyimpang dari haluan, usahakanlah supaya lurus arah kemudinya.

Islam ialah agama yang senantiasa membawa kita ke alam rohani yang luhur dengan tidak mengeneipkan keperluan-keperluan jasmani. Mengisi keperluan jasmani tidaklah sesulit memberi keperluan rohani. Lantaran itulah maka Allah mengutuskan Rasulnya Muhamad s.a.w. dengan membawa agama yang di ridhaiNya bagi membimbing rohani setiap pengikutnya ke jalan yang lurus menuju keredhaan Allah s.w.t. Setiap individu muslim dan muslimah di kehendaki supaya melakukan ibadat-ibadat khusus yang fardhu, kerana dengan melakukan ibadat-ibadat tersebut boleh mengukuhkan dan membersihkan kerohanian. Umpamanya dengan melalui ibadat sembahyang, seseorang itu dapat merapatkan jiwa kepada Tuhan Rab-bulalamin, serta dapat mengawal seluruh pancaindera supaya jangan terpesong dari arah panduan yang telah di tetapkan oleh Allah Yang Maha Esa. Supaya erti

sembahyang yang matlamatnya mencegah dari kemungkaran dan kekejian itu dapat dilaksanakan.

Perintah zakat yang matlamatnya mendorong jiwa manusia supaya gemar melakukan kebajikan dan menimbulkan rasa simpati terhadap sesama manusia yang kurang bernasib baik dalam kehidupannya, dapat mengikis perasaan tamak dan bakhil sehingga menyebabkan rohani seseorang itu menjadi suci bersih.

Dan di antaranya juga ibadat puasa yang dapat melatih rohani dan jasmani manusia supaya selalu bersabar menghadapi dugaan dan penderitaan serta meninggalkan sifat-sifat tercela dan memerangi kemahuan-kemahuan hawa nafsu yang senantiasa hendak menggelandakan hati manusia dan perasaan kesedaran seseorang. Inilah yang di katakan pendidikan rohani yang tidak ternilai mutunya yang membawa manusia ke taraf kemuliaan zahir dan batin. Dan dengan ini juga terbukti bahawa agama sebagai satu syarat muthlak yang memberi kesan kepada rohani manusia, tidak kira tua atau pun muda. Apabila seorang pemuda atau pemudi sampai di peringkat usia baligh, maka segala yang di pertanggungjawabkan ke atasnya akan di berikan balasnya, sesuai dengan perbuatan yang di lakukannya seperti penerangan yang termaktub di dalam firman Allah s.w.t.:

وَأَدْخِلِ الَّذِينَ آمَنُوا
وَعَمِلُوا الصَّالِحَاتِ جَنَّاتٍ تَجْرِي
مِنْ تَحْتِهَا الْأَنْهَارُ
خَالِدِينَ فِيهَا بِإِذْنِ رَبِّهِمْ
(ابراهيم: ٢٣)

Maksudnya:

Dan akan di masukkan orang-orang yang beriman ke dalam syurga yang mengalir di dalamnya sungai-sungai, kekal selamanya dengan seizin Tuhan mereka.

(Ibrahim: 23)

Dan firmanNya lagi bagi menjanjikan balasan orang-orang yang durhaka terhadapNya:

يَوْمَ تَبْدِلُ الْأَرْضَ غَيْرَ الْأَرْضِ
وَالسَّمَوَاتِ وَبَرَزُوا لِلَّهِ
الْوَاحِدِ الْقَهَّارِ ،
وَتَرَى الْمَجْرِمِينَ يَوْمَئِذٍ مُّقَرَّنِينَ
فِي الْأَصْفَادِ ، سَرَابِيلُهُمْ
مِنْ قَطَرَانٍ وَتَنْفَخُ فِي وُجُوهِهِمُ النَّارُ
(ابراهيم: ٤٨-٥٠)

Bermaksud:

Pada hari di gantikan Bumi dengan alam yang lain dan di ganti langit-langit dan mereka akan menghadap Allah yang Tunggal, yang maha kuasa. Dan engkau akan melihat orang-orang yang berdosa yang pada hari itu terikat dengan belunggu-belunggu. Pakaian mereka adalah dari tembaga yang panas dan api neraka menutup wajah-wajah mereka.

(Ibrahim: 48-50)

Keterangan-keterangan yang ternyata di dalam ayat-ayat tadi adalah umum kepada semua manusia tidak kira tua atau muda. Tetapi ini mungkin tidak dapat menarik perhatian para muda-mudi terpelajar ke jalan mereka beragama seperti yang pernah di dengar dari lisan salah seorang dari mereka katanya: "Ugutan-ugutan tentang neraka dan

cerita-cerita keindahan syurga belum dapat mempengaruhi kami ke jalan agama. Kami mahukan lebih dari itu."

Mungkin juga ini satu fikiran yang progressif, umpama seorang murid yang patuh melakukan suruhan gurunya bukan kerana ingin mendapatkan pujian atau takut dimarahi malahan semata-mata di dorong oleh perasaan tanggungjawab untuk membalas jasa baik gurunya yang selama ini berbakti untuk membentuk peribadi dirinya. Tidak boleh di nafikan ada di antara makhluk-makhluk Allah yang benar-benar ikhlas mematuhi perintah tuhanNya dengan tidak mempedulikan balasan yang akan diterimanya di Hari Akhirat kelak, seperti ketinggian iman seorang Wali Allah yang di kenali dengan Rabi'atul A'dawiah yang berkata: "Bagi saya yang menjadi tujuan utama ialah keredhaan Allah. Bila Allah telah redha kepada saya, walau dimana saya di tempatkan, itulah syurga saya."

Tuhan menjadikan tiap-tiap sesuatu yang terdapat di muka bumi ini hanyalah untuk manusia, binatang, tumbuh-tumbuhan dan sebagainya. Manusia di jadikan sempurna dengan di kurniakan satu perbendaharaan yang tidak ternilai harganya iaitu Akal, supaya dengan adanya akal yang di berikannya itu seseorang itu dapat memikirkan betapa kebesaran dan kekuasaan Tuhan yang menjadikan Alam yang terbentang luas ini. Bahkan adanya Akal dan pengetahuan yang di berikan Allah itulah yang menyebabkan seseorang itu sombong melupakan Maha Penciptanya apatah lagi kalau sampai berani menyatakan semuanya terjadi dengan sendirinya, maka tunggulah apa yang di janjikan oleh Allah s.w.t di dalam surah At-Tin ayat 4-5 firmannya:

لَقَدْ خَلَقْنَا الْإِنْسَانَ فِي أَحْسَنِ تَقْوِيمٍ ثُمَّ رَدَدْنَاهُ أَسْفَلَ سَافِلِينَ .

• (التين: ٥٤)

Maksudnya:

Demi sesungguhnya kami jadikan manusia itu sebaik-baik kejadian, Kemudian kami lemparkan ke jurang yang serendah-rendahnya. Dan dengan sifatnya yang maha pengasih dan maha penyayang bukan berarti Tuhan tidak akan menyiksa hamba-hambanya yang berdosa kerana Tuhan tidak pernah memunkiri janjinya. Ini terbukti di dalam Al-Quranul karim yang memaparkan cerita-cerita tentang bencana dahsyat yang menimpa makhluk-makhluk durhaka di kalangan umat-umat yang terdahulu sehingga tidak ada satu kuasa dan kepandaian pun yang dapat menentangnya. Firman Allah s.w.t.:

ظَهَرَ الْفَسَادُ فِي الْبَرِّ وَالْبَحْرِ بِمَا كَسَبَتْ أَيْدِي النَّاسِ لِيُذِيقَهُمْ بَعْضَ الَّذِي عَمِلُوا .

• (الرؤم : ٤١)

Maksudnya:

Telah nyata kerosakan di darat dan di laut di sebabkan usaha tangan manusia yang akhirnya Allah menimpakan ganjaran kepada mereka dari sebahagian yang mereka kerjakan, supaya mereka kembali.

(Arrum: 41)

Segala peristiwa yang berlaku di zaman dahulu kala adalah menjadi tauladan kepada umat yang hidup di masa kini. Seandainya anak-anak muda di zaman ini hidup dalam abad yang serba moden, tetapi jangan sampai mereka lupa kita sebagai Hamba Allah, tertakluk di bawah kekuasaannya. Sesungguhnya bertakwa kepada Allah dan takut akan azabnya di Hari Akhirat nanti adalah satu ketakutan yang hakiki. So'al usia muda bukan satu alasan yang tepat untuk menangguh-nangguhkan membuat amal ibadat terhadap Allah serta menjauhi dari melakukan perkara-perkara yang mungkar. Orang yang sangat di kasihi Allah ialah orang muda yang ta'at dan

menjauhi maksiat. Sedangkan orang yang sangat di murkai dan di benci oleh Allah ialah orang tua yang senantiasa lalai dan leka, suka melakukan kejahatan dan sengkaj tidak mahu berusaha mengham-pirkan diri kepada Allah. Bagi membentuk keperibadian anak-anak muda, ibu-ibu yang di kenali sebagai pembimbing dan contoh utama bagi anak-anak, merekalah yang seharusnya memainkan peranan penting dalam menyerapkan nilai-nilai moral yang murni dan tinggi didalam jiwa mereka. Sedang muda-mudi itu sendiri juga perlu memupuk rohani mereka dengan keimanan yang teguh dan berakhlak ke islam, serta mengawal diri mereka supaya tidak hanyut di bawa arus kemodenan liar.

" مَنْ نَفَسَ عَنْ مَوْمِنٍ كَرْبَةً مِنْ كَرْبِ الدُّنْيَا
نَفَسَ اللَّهُ عَنْهُ كَرْبَةً مِنْ كَرْبِ يَوْمِ الْقِيَامَةِ " .
(رواه مسلم وابود اود والترمذى)

Artinya:

“Barangsiapa yang melepaskan seseorang mu'min dari kesengsaraan dunia, nescaya Allah lepaskan dia dari kesengsaraan hari kiamat”.

(Hadis riwayat Muslim, Abu Daud dan Attirmizi)

tafakur

Ya Rabbi
Sesekali ku merasa
hidup ini bak lautan tak bertepi
sering mengalah
apabila dipukul ombak

ku cuba bersuara dalam diri
mencari makna erti kehidupan
merenung makrifat dan hakikat
aku semakin hanyut di lautan tak bertepi

Ya Rabbi
jangan kau rahsiakan kebesaranMu
bukakan mata batinku yang rindu
melihat kehebatanMu
dan kelemahanKu
dalam memahami erti hidup ini

*D samping menuaikan ibadat
urusan tugas jangan diabaikan.*

APAKAH ERTINYA APABILA SAYA MENJADI SEORANG ISLAM

DARI BINA KUCHING

Apakah saya telah menjadi seorang Islam yang baik, apabila saya telah sembahyang, berpuasa, mengeluarkan zakat

dan menunaikan haji, sedangkan urusan kehidupan yang lain, tidak saya lakukan mengikut kehendak-kehendak Allah?

Apakah memadai bagi saya untuk sembahyang, berpuasa, berzikir dan berwirid sahaja?

Adakah saya seorang Islam yang sebenar, sedangkan saya menyakini bahawa Islam hanyalah ibadat-ibadat dan akidah tertentu yang berkait dengan hubungan antara manusia dan Allah.

Saudara dan saudari sekalian, Kita mesti mengkaji samada kefahaman kita terhadap Islam selama ini, suatu kefahaman yang betul atau tidak. Kita mesti mengkaji samada amalan-amalan hidup kita sudah bersesuaian dengan ajaran Islam yang sebenar atau tidak, agar kita semua dapat memperbetulkan kefahaman dan amalan kita sebelum terlambat. Insya-Allah.

Tidak dapat dinafikan bahawa sebahagian besar dari umat Islam kini memahami Islam sebagaimana diajar oleh orang-orang kafir dan penjahat. Mereka memahami bahawa Islam hanyalah agama ibadat, Islam hanya menyuruh bersembahyang, berpuasa, membayar zakat dan mengerjakan haji. Mereka memesongkan bahawa Islam tidak mempunyai kaitan dengan pendidikan, ketenteraan, politik, ekonomi, hubungan antarabangsa, undang-undang, hukum-hukum dan sebagainya. Fahaman ini adalah fahaman yang telah ditanam oleh penjahat di merata kalangan umat Islam. Fahaman inilah yang menjadi candu yang melemahkan umat Islam.

"Kamu akan mengikuti perjalanan orang-orang sebelum kamu iaitu Yahudi dan Nasrani sejengkal demi sejengkal, sehasta demi sehasta, sekiranya mereka memasuki lubang biawak, kamu juga akan memasukinya."

(Al-Hadis, Riwayat Muslim)

Saudara-saudari sekalian,

Kita mestilah kembali kepada Islam seperti yang diajar oleh Nabi Muhammad s.a.w., iaitu Islam yang menyeluruh. Islam mempunyai peraturan dalam soal-soal yang kecil hinggalah soal-soal yang sebesar-besarnya dan peraturan-peraturan itu wajibah diikuti.

Firman Allah yang kira-kira bermaksud:

"Wahai orang-orang yang beriman, masuklah kedalam Islam secara keseluruhan."

(Surah Al-Baqarah: 208)

Islam mempunyai peraturan dalam soal kencing dan berak dalam soal mandi dan berpakaian, soal nikah kahwin, harta pusaka pendidikan hinggalah dalam soal mentadbir negara, hubungan antarabangsa, undang-undang dan sebagainya. Tegasnya, Islam mempunyai peraturan dalam soal rohani dan jasmani, akal dan perasaan. Allah melarang kita menerima Islam separuh-separuh, atau setengah-setengah.

Firman Allah:

"Apakah kamu beriman kepada sebahagian kitab dan kufur terhadap sebahagian yang lain."

(Al-Baqarah: 85)

Kita dilarang semata-mata cara beribadat mengikut Islam tetapi menentang sistem pemerintahan Islam. Kita dilarang hanya menerima cara berzikir mengikut Islam sahaja, tetapi menentang hukum-hukum Allah dan seumpamanya. Kita diperintah menerima Islam sepenuhnya. Telah berkata Umar Al-Khattab bahawa sesungguhnya Allah telah turunkan keatas Nabi ayat rejam, kemudian kami telah membacanya dan kami menghafaznya dan Rasulullah telah merejamkan orang yang berzina dan kami juga melaksanakan hukum itu. Sesung-

guhnya Aku amat takut jika sudah lama masa nanti ada orang berkata, "Tidak kami jumpa hukum rejam dalam kitab Allah Taala, Lalu mereka jadi sesat dengan meninggalkan perkara fardu yang telah diturunkan oleh Allah."

(Riwayat Abu Daud, Shaikhan, Tirmizi dan Kusai)

Saudara dan saudari sekalian, Ajaran Islam yang menyeluruh, boleh dilihat dalam kehidupan Rasulullah s.a.w. sendiri. Baginda bukan sahaja seorang imam, seorang yang membaca Al-Quran di Masjid, seorang ahli ibadat, seorang yang kuat sembahyang, tetapi juga baginda adalah seorang panglima tentera di medan perang, seorang Ketua Negara yang menerima dan melantik duta-duta, seorang pemimpin yang memerintah orang-orang Islam dan orang-orang kafir, mengadakan perlembagaan negara dan menjalankan hukum-hukum Islam sepenuhnya. Oleh itu siapa yang mengatakan Islam hanyalah wajib dipatuhi dibidang ibadat sahaja dan menentang hukum-hukum Allah, maka ia telah terang-terang memusuhi Rasulullah

s.a.w.

Saudara dan saudari sekalian, Apabila kita mengkaji Al-Quran hanya sebahagian sahaja ajaran Al-Quran menyentuh berkenaan ibadat. Dari 6,666 ayat Al-Quran, cuma 140 ayat sahaja yang menyentuh soal ibadat dan 228 ayat menyentuh soal muamalat, soal-soal kehidupan harian seperti ekonomi politik dan hukum.

Firman Allah:

"Barangsiapa yang mengerjakan kebaikan, walau sebesar zarah pun, akan dilihatnya dan barangsiapa mengerjakan kejahatan sebesar zarah, nescaya ia juga akan melihatnya."

(Surah Al-Zalzalah: 7-8)

Semuga kita dapat memikirkan apakah kemasukan dan pemelukan kita terhadap Islam merupakan penerimaan terhadap Islam secara keseluruhannya atau secara separuh-separuh.

Sekian, semuga kita mendapat Taufik dan Hidayah dari Allah Azza Wajalla.

Tepuk Dada Tanya Iman!
Wassallam.

Renungan

Hai orang-orang yang beriman, masuklah kamu ke dalam Islam keseluruhannya, dan janganlah kamu turut langkah-langkah syaitan. Sesungguhnya syaitan itu musuh yang nyata bagimu. Tetapi jika kamu tergelincir (dari jalan Allah) sesudah datang kepadamu bukti-bukti kebenaran, maka ketahuilah Allah Maha Perkasa lagi Maha Bijaksana.

(Surah Al-Baqarah; ayat 208-209)

PANDANGAN ISLAM



Hanya beriman kepada Allah dapat mententeramkan jiwa.

**KETENANGAN
JIWA MENURUT
PANDANGAN ISLAM**

Oleh: Penulis Khas

Ketenangan atau ketenteraman jiwa adalah suatu perkara yang selalu dicari-cari dan diidam-idamkan oleh setengah-setengah manusia kerana ketenangan dan ketenteraman jiwa adalah salah satu daripada syarat kebahagiaan hidup manusia. Andainya jiwa seorang itu tidak tenang dan tenteram, maka sudah tentu ianya akan merasai berbagai-bagai tekanan jiwa seperti timbulnya perasaan gelisah, bimbang, takut, keluh kesah dan sebagainya.

Banyak diperkatakan orang bahawa syarat kebahagiaan hidup yang sebenar bukan saja terletak pada harta dan wang yang banyak, akan tetapi juga pada jiwa dan perasaan yang tenang dan tenteram, sama ada ketika berduka mahu pun gembira.

Rasulullah S.A.W. telah menegaskan dengan sebdanya yang bermaksud: sekaya-kaya harta ialah kaya jiwa. Yakni tenang, tenteram dan gembira.

Di akhir-akhir ini terdapat setengah-tengah orang mencari ketenangan dan ketenteraman jiwa sama ada mereka dari golongan yang berada mahu pun sebaliknya, atau pun golongan muda-mudi atau pun tua. Setengah daripada mereka ini mencari ketenangan dan ketenteraman jiwa dengan berbagai-bagai cara sama ada dengan membanyakkan lagi maksiat, perbuatan-perbuatan terkutuk dan sebagainya seperti menghisap ganja, madat, atau jenis dadah atau pun dari jenis air yang memabukkan, menghayalkan dan sebagainya.

Sehinggakan mereka tidak memikirkan akibat-akibat buruk akan berlaku ke atas dirinya daripada menghisap atau meminum dari benda-



Manusia tidak tenteram jiwanya jika emosi terganggu.

benda yang disebutkan tadi. Asalkan perasaan dan jiwa mereka tenang dan tenteram, walaupun ketenangan dan ketenteraman itu sementara sahaja bagi mereka.

Di dalam mencari ketenangan dan ketenteraman jiwa, Islam telah mengajar umatnya supaya mencari dengan cara yang diperintahkan oleh Allah S.W. seperti dengan cara bersalat (sembahyang), beriman kepada Allah S.W., dengan sepenuh-penuh keimanan, membaca kitab suci Al-Quran dan memahami maknanya. Kalau kita berada di Tanah Suci (Mekah) pula, kita membanyakkan 'Umrah, Tawaf, Saie dan Iktikaf didalam Masjidil Haram. Pendeknya pekerjaan-

pekerjaan yang berhubung dengan 'ibadat semuanya mententeramkan jiwa.

Rasulullah S.A.W. pernah bersabda dengan maksudnya: terdapat ketenangan jiwaku dalam sembahyang. Sabdanya lagi kepada Bilal ibni Rubah bermaksud: ya Bilal, mari kita beristirehat dengannya (dengan sembahyang). Jelas menunjukkan bahawa sembahyang itu menangkan jiwa, melapangkan dada, melapangkan fikiran dan menghilangkan keluh kesah.

Firman Tuhan pula bermaksud: ketahuilah bahawa dengan mengingat Allah itu senangnya hati manusia.

Dengan ini tidak dapat dinafikan bahawa sembahyang, beriman kepada Allah dengan sesungguhnya, membaca Al-Quran dan sebagainya itu membawa kepada ketenangan jiwa dan sebagai ubat yang paling mujarab untuk menenangkan jiwa seseorang.

Hal ini juga diperkatakan oleh seorang ahli falsafah Amerika, James seorang guru di University Harvard Amerika. Beliau menerangkan: sesungguhnya ubat yang paling mujarab untuk menyembuhkan penyakit gangguan jiwa ialah "KEIMANAN".

Disamping itu pula seorang pakar jiwa Doktor Carnegie menyatakan: sesungguhnya sebahagian besar daripada doktorjiwa sama berpendapat, bahawa keimanan yang kuat dan teguh menjadi jaminan untuk menyembuhkan penyakit jiwa. Penyakit jiwa memang sukar sekali untuk diubati. Ubatnya yang paling mujarab hanya dengan ketenangan dan ketenteraman jiwa.

Jadi, dengan cara mendalami ajaran-ajaran agama serta memperaktikannya adalah satu-satunya jalan untuk ketenangan dan ketenteraman jiwa seseorang. Hal ini

bukan saja suatu perkara yang disuruh oleh Islam, bahkan sebahagian besar pakar jiwa pun berpendapat sedemikian.

Mencari ketentangan jiwa bererti mengubati jiwa yang sedang duka, disebabkan suatu perkara yang tak dapat diatasi atau menimpa keatasnya. Seperti gagal dalam peperiksaan, gagal dalam percintaan, putus kasih atau tunang, kematian, kehilangan dan sebagainya.

Jarang sekali manusia boleh menguasai perasaan dukacita apabila sesuatu perkara yang diharapkan-harapkannya itu gagal, atau putus hubungan. Tak banyak, sedikit pun jiwanya tergoris juga. Sehingga Rasulullah S.A.W. pun pernah berdukacita semasa wafatnya Ibrahim anak yang sangat disayangi. Bercucuran air mata Rasulullah ketika itu. Dalam menghadapi peristiwa yang begitu sedih Rasulullah bersabda: ini adalah suatu rahmat. Air mata tetap mengalir, hati tetap berduka, asalkan jangan melampaui sehingga suatu perkara (peristiwa) dari Allah ditentanginya.

Rasulullah S.A.W. pernah melarang kepada orang-orang yang menampar-nampar pipinya, melaung-laung dan mengoyak-ngoyak pakaiannya sewaktu ditimpa kemalangan dan kematian.

Dalam surah Al-Baqrah ayat 155: bahawa Allah Taala menguji kita dengan ketakutan, kelaparan, kekurangan harta dan sebagainya.

Bahawa malapetaka yang diturunkan oleh Allah. S.W.T. berupa perasaan gementar takut ditimpa kemiskinan, takut bencana alam, tekanan inflasi, peperangan dan sebagainya.

Segala-galanya itu seharusnya kita terima dengan perasaan sabar dan taqwa, kerana Allah sentiasa bersama-

sama dengan orang yang berjiwa sabar dan taqwa. Bahawasanya kita kepunyaan Allah dan kepadanya juga kita akan kembali.

Rasulullah pernah mengalami berbagai-bagai malapetaka. Rasulullah sentiasa bersabar dan berdoa, dengan doanya yang bermaksud: ya Allah, berilah padaku pahala kerana kemalangan ini dan tukarkanlah bagiku dengan yang lebih baik darinya. Dengan kesungguhan dan berjiwa besar doa Rasulullah dimakbulkan oleh Allah S.W.T.

Orang yang berjiwa besar, berjiwa tenteram, bersyukur dan ikhlas kepada segala pemberian Allah Taala, maka Allah akan melipatgandakan lagi pendapatannya dan Pahalanya sebagaimana firman-Nya yang bermaksud: seandainya kamu bersyukur di atas nikmatku (dengan mengerjakan segala perintah Allah dan menjauhkan segala larangannya) nescaya aku (Allah) tambahkan lagi. Tetapi ingat, kalau kamu kufur (ingkar) maka seksaanku amatlah dahsyat.

Selain daripada sembahyang, membaca Al-Quran dan sebagainya, zikir (mengingat Allah) dan istighfar juga boleh menenangkan dan mententeramkan jiwa. Banyak ayat-ayat dan hadis-hadis yang menyebutkan tentang kelebihan zikir sebagaimana firman-Nya yang bermaksud: tidakkah engkau tahu bahawa mengingat Allah itu, mententeramkan hati-hati manusia. Dari sepucuk hadis Rasulullah S.A.W. pula daripada Anas bermaksud: mengingat Allah itu adalah penawar jiwa.

Terang dan yata dari ayat-ayat Al-Quran dan dari beberapa pucuk hadis itu, kita seharusnya mententeramkan jiwa kita. Dengan maksud ayat-ayat dan hadis-hadis itu juga bahawa Allah Taala dan RasulNya melarang kepada orang-

orang yang menyiksa jiwa sendiri, dan menyakiti jiwa orang lain. Kerana jiwa yang merana atau terseksa berbagai-bagai perkara yang tidak diingini boleh berlaku, seperti kekufuran, kegagalan, pembunuhan dan sebagainya.

Kepada muda mudi yang tidak bernasib baik (gagal) janganlah hendaknya terus frust. Kalau gagal dalam ujian umpamanya, cubalah lagi dilain tahun, berusaha lebih gigih lagi dan bersabar insya Allah akan berjaya. Kalau gagal dalam percintaan atau dalam pertunangan, itu bererti belum sampai jodoh. Cubalah cari yang lain. Kumbang bukan seekor dan bunga bukan sekuntum. Kalau dah jodoh nanti, ah tak kemana.

Kalau gagal dalam mendapatkan pekerjaan yang sesuai, bersabarlah di lain bulan atau tahun naik pangkat dan naik gaji. Atau kalau kerja-kerjanya baik dan peribadinya baik, memuaskan pihak majikan, mudah saja untuk memohon jawatan yang sesuai dan gaji yang lebih lumayan.

Dan kalau gagal untuk mendapatkan pekerjaan yang tidak diridhai Tuhan seperti nombor ekor, loteri, mencuri, merompak dan sebagainya (perkara-perkara maksiat), diwajibkan mereka meninggalkannya sahaja. Insaf, taubat dan jangan buat lagi, kalau dilanggar juga buruklah akibatnya.

Di sisi Allah ada dua perkara penting: pertama, suruhan. Kedua, larangan.

Kalau kita gagal mematuhi suruhan Allah Taala, disuruh kita mengatasinya dengan usaha yang lebih gigih lagi, tekun dan sabar. Tekun dan sabar punca kemajuan. Ubahlah jiwamu, dirimu, nasibmu kepada haluan baik yang engkau kehendaki. Allah tidak mengubah nasib sesuatu

kaum, hinggalah kaum itu sendiri mengubah apa yang ada dalam diri mereka. Jangan putus asa kerana nikmat Allah, rahmat Allah itu terlalu luas dan tidak terhingga banyaknya. Allah sentiasa bersama-sama orang yang sabar dan menolong orang yang sentiasa hidup mengikuti petunjuk Allah. Kalau kita gagal menahan diri daripada larangan Allah Taala, di larang sama sekali untuk mengulangi lagi. Wajib insaf dan taubat serta kembali kejalan suruhannya. Semulia-mulia manusia disisi Allah ialah manusia yang paling taqwa kepadanya, sentiasa mengerjakan perintah-Nya dan perintah Rasulnya serta menjauhi segala larangan-Nya.

Jiwa orang yang taqwa lebih mulia,

lebih tenang dan lebih tenteram dari orang yang bersalah dan fasiq. Pada kesuluruhannya orang yang bersifat taqwa itu jiwanya dan hidupnya sentiasa tenang dan tenteram, tidak mengira kaya atau miskin, berpangkat tinggi atau rendah. Taqwa kepada Allah; takut kepada Allah, mengerjakan segala perintahNya dan menjauhi laranganNya: mententeramkan jiwa.

Sudah semestinya orang yang jiwanya kusut (tidak tenteram), berbagai-bagai angkara perkara yang tidak diingini akan berlaku.

Demikianlah sedikit pandangan Islam mengenai masalah ketenangan dan ketenteraman jiwa.

Wabil Laahit taufiq wal hidayah.

"الَّذِينَ آمَنُوا وَتَطْمَئِنُّ قُلُوبُهُمْ بِذِكْرِ اللَّهِ
أَلَا بِذِكْرِ اللَّهِ تَطْمَئِنُّ الْقُلُوبُ"

• (الرعد : ٢٨)

Maksudnya:

“(Yaitu) orang-orang yang beriman dan hati mereka menjadi tenteram dengan mengingat Allah; ketahuilah hanya dengan mengingat Allahlah hati itu menjadi tenteram”.

(Ar ra'd: 28)

Dipetik dari buku bertajuk
“SEJARAH PENDIDIKAN ISLAM”

CARA NABI MENGAJARKAN AGAMA DAN AKHLAK

oleh (Prof. Dr. H. Mahmud Yunus)

1. Cara mengajarkan kelmanan

Agama Islam tersebar pada masa Nabi s.a.w. luas sekali. Manusia berduyun-duyun memasuki agama Islam, sehingga meliputi seluruh jazirah Arab. Di antara sebab-sebabnya kerana agama Islam mudah, tidak sempit dan mempelajarinya tidak sulit, tidak memakan waktu yang lama, bahkan tidak menghalangi urusan dunia dan tidak menghambat mencari rezeki. Apalagi sistim yang dipakai Nabi untuk mengajarkan agama mudah sekali, yaitu cara bersoal-jawab, cara bertanya dan menjawab. Sebagai contoh di bawah ini diterangkan soal-jawab itu.

1. Pada suatu hari Nabi s.a.w. duduk bersama-sama sahabatnya, lalu datang


seorang laki-laki berpakaian serba putih dan berambut hitam. Kemudian laki-laki itu duduk di hadapan Nabi s.a.w. lalu bertanya: “Ya, Muhammad, terangkanlah kepadaku, apakah Islam itu?”

— Nabi: “Islam ialah engkau akui, bahwa tidak ada Tuhan, melainkan Allah dan bahwa Muhammad Rasul Allah. Engkau dirikan sembah yang. Engkau bayarkan zakat. Engkau berpuasa dalam bulan Ramadan. Engkau pergi haji, jika engkau kuasa berjalan ke sana.”

— Laki-laki: “Benar engkau, ya Muhammad. Kabarkanlah kepadaku apakah iman itu?”

— Nabi: “Iman ialah engkau percaya kepada Allah MalaikatNya, Kitab-kitabNya, Rasul-RasulNya dan hari yang kemudian, serta percaya kepada taqdir,

Gambar cuma hiasan saja.



baik atau buruk."

— Laki-laki: "Benar engkau, ya Muhammad. Kabarkanlah kepadaku, apakah ihsan?"

— Nabi: "Ihsan ialah, bahwa engkau sembah Allah, seolah-olah engkau melihat Dia, kalau engkau tidak melihat Dia, Dia melihat engkau." — dst.

Kemudian laki-laki itu pergi.

Berkata Nabi s.a.w.: "Tahukah kamu siapakah yang bertanya itu?"

Jawab sahabat: "Tidak tahu".

Berkata Nabi s.a.w.: "Yang bertanya itu ialah Jibril, ia datang untuk mengajarkan agama kepadamu" (riwayat Muslim).

2. Pada suatu hari datang seorang laki-laki dari dusun, lalu ia bertanya: "Ya, Muhammad, telah datang kepada kamu utusan engkau, ia mengatakan bahwa Allah mengutus engkau menjadi rasul?"

— Nabi: "Benar demikian."

— Laki-laki: "Siapakah menjadikan langit?"

— Nabi: "Allah".

— Laki-laki: "Siapakah menjadikan bumi?"

— Nabi: "Allah".

— Laki-laki: "Siapakah mengadakan gunung-gunung itu dan menjadikan segala isinya?"

— Nabi: "Allah".

— Laki-laki: "Demi Yang menjadikan langit dan bumi dan menegakkan gunung-gunung, adakah Allah mengutus engkau menjadi rasul?"

— Nabi: "Ya".

— Laki-laki: "Utusan engkau mengatakan, bahwa kewajiban kami mengerjakan sembahyang lima waktu (kali) sehari semalam?"

— Nabi: "Benar demikian."

— Laki-laki: "Demi Yang mengutus engkau, adakah Allah menyuruh engkau mengerjakan sembahyang itu?"

— Nabi: "Ya".

— Laki-laki: "Utusan engkau menyatakan, bahwa kewajiban kami memberikan zakat?"

— Nabi: "Benar demikian."

— Laki-laki: "Demi Yang mengutus engkau, adakah Allah menyuruh memberikan zakat itu?"

— Nabi: "Ya". - dst.

Kemudian laki-laki itu pergi, seraya katanya: "Demi Yang mengutus engkau, akan kukerjakan yang demikian itu, tidak kutambah dan tidak pula kukurangi".

Berkata Nabi s.a.w.: "Kalu benar laki-laki itu, niscaya ia akan masuk surga." (riwayat Muslim).

Dengan keterangan itu dapat diambil kesimpulan, bahwa mengajarkan rukun iman dan Islam kepada laki-laki itu, tidak memakai waktu setengah jam dan bahwa mengajarkan agama pada masa Nabi mudah, tidak memerlukan waktu yang lama.

Selain itu Nabi memasukkan keimanan ke dalam jiwa sahabat-sahabatnya dengan cara bertabligh dan berpidato baik dengan membacakan ayat-ayat Al-Quran itu berisi petunjuk dan pengajaran yang memperkuat dan

mempertebal perasaan keimanan.

Firman Allah, artinya: Sesungguhnya orang-orang Muslimin itu ialah bila disebut nama Allah gemetar hatinya dan apabila dibacakan ayat-ayat Allah kepadanya bertambah keimanannya, sedang mereka bertawakal kepada Tuhannya. (Al-Anfal: 2).

Apa lagi dalam Al-Quran itu dianjurkan, supaya manusia memperhatikan kejadian langit dan bumi, berganti-ganti malam dan siang, kejadian tumbuh-tumbuhan dan hewan, kejadian manusia dan semesta alam, kerana semuanya menjadi bukti dan dalil atas adanya Allah yang Mahaesa dan Mahakuasa.

Pendeknya Nabi memasukkan keimanan ke dalam jiwa sahabat-sahabatnya ialah dengan cara memperhalus perasaan dan mempergunakan dalil 'akliyah dan ilmiyah.

2. Cara mengajarkan ibadat

Nabi mengajarkan sembahyang dan haji adalah dengan cara memberi contoh dan memberi teladan. Berkata Nabi s.a.w.: "Sembahyanglah kamu sebagaimana kamu melihatku mengerjakan sembahyang itu". Dan lagi katanya: "Ambillah dari padaku cara mengerjakan ibadat hajimu."

Oleh sebab itu sahabat-sahabat Nabi mengerjakan sembahyang dan haji itu ialah dengan melihat dan mencontoh perbuatan Nabi, bukan dengan mempelajari rukun, sunat dan sebagainya.

Selain itu ada juga Nabi mengajarkan ibadat dengan memberi keterangan, bila ada orang salah sembahyang.

Pada suatu hari Nabi dalam mesjid,

tiba-tiba masuk seorang laki-laki, lalu bersembahyang. Kemudian ia datang menghadap Nabi, seraya memberi salam. Setelah Nabi menjawab salamnya, lalu ia berkata: "Kembalilah dan sembahyanglah sekali lagi, kerana engkau belum sembahyang."

Kemudian laki-laki itu bersembahyang kembali. Setelah selesai, ia datang menghadap Nabi, seraya memberi salam. Berkata Nabi: "Kembalilah dan sembahyanglah sekali lagi, kerana engkau belum sembahyang." (Hal itu sampai tiga kali).

Kemudian berkatalah laki-laki itu: "Demi Allah, saya tiada pandai mengerjakan sembahyang selain dari pada itu, sebab itu ajarkanlah kepadaku". Berkata Nabi s.a.w.: "Apabila engkau berdiri hendak mengerjakan sembahyang, hendaklah takbir, kemudian bacalah apa yang mudah bagi engkau di antara Al-Quran, sudah itu rukuklah, sehingga tenang (thumakninah) dalam rukuk itu, kemudian bangkitlah, sehingga tegak lurus-lurus, kemudian sejudlah, sehingga tenang dalam sujud itu, kemudian bangkitlah, sehingga tenang dalam duduk, kemudian sujudlah kembali dst." (riwayat Bukhari).

Dengan keterangan itu dapat diam-bil kesimpulan, bahwa belajar sembahyang pada masa Nabi mudah sekali, yaitu dengan mencontoh perbuatan Nabi, serta menurut keterangan yang diberikan Nabi s.a.w.

Adapun mengerjakan puasa adalah dengan keterangan Nabi s.a.w. serta mencontoh amal perbuatannya. Begitu juga mengajarkan zakat.

3. Cara mengajarkan akhlak

Cara Nabi mengajarkan akhlak ialah

dengan membacakan ayat-ayat Al-Quran yang berisi kisah-kisah umat dahulu-kala, supaya diambil pengajaran dan i'tibar dari kisah-kisah itu. Orang yang ta'at dan patuh mengikut rasul Allah, mendapat bahagia dan orang-orang yang durhaka mendapat siksa, seperti kisah Qarun yang bakhil dan kisah Musa yang berbuat baik kepada puteri Syu'aib d.l.l.

Selain itu akhlak diberikan oleh Nabi dengan sabda-sabda beliau sendiri, seperti katanya:

"Orang Islam ialah orang yang selamat kaum Muslimin dari lidah dan tangannya."

"Tanda orang munafiq ada tiga:

Apabila berbicara ia berdusta, apabila berjanji ia mungkir, apabila dipercayai ia berkhianat."

Tetapi pendidikan akhlak yang sangat berpengaruh kepada sahabat-sahabatnya ialah akhlak Nabi sendiri yang mahaluhur dan tinggi, menjadi contoh dan teladan bagi sahabat-sahabatnya. Akhlak Nabi maha tinggi, sehingga ia dipuji Allah: kerana tinggi akhlaknya. Nabi membentuk akhlak sahabat-sahabatnya, bukan saja dengan perkataan dan contoh teladan, bahkan juga dengan amal perbuatan. Untuk mempersatukan umat Islam, Nabi mempersaudarakan orang-orang Muhajirin dengan orang-orang Anshar. Untuk persamaan hak dan kewajiban Nabi mengangkat bilal, bangsa Habasyah menjadi muazin, meskipun ia orang kulit hitam dan bukan bangsa Arab. Untuk penasihat perang, Nabi mengangkat Salman Al Fairisy, seorang bangsa Persia, bukan bangsa Arab.

Pendeknya pendidikan akhlak diberikan oleh Nabi dengan perkataan dan perbuatan, serta memberi contoh dan tiru teladan yang baik.

Firman Allah: "Sesungguhnya Rasul Allah itu menjadi contoh dan suri teladan yang baik bagimu".

Oleh sebab itu Nabi dapat mengubah akhlak bangsa Arab dari berpecah belah menjadi umat yang bersatu padu, dari bermusuhan-musuhan menjadi berkasih-sayang, dari bersuku-suku dan berbangsa-bangsa menjadi satu umat.

Hal itu dapat dilaksanakan oleh Nabi dalam masa kurang seperempat abad tanpa dipaksakan atau tanpa kekuatan senjata.

Kitab bacaan pada masa Nabi s.a.w.

Kitab bacaan pada masa Nabi s.a.w. ialah Al-Quran, lain tidak. Oleh sebab itu Kitab Suci itu dinamai: Al-Quran artinya Bacaan.

RANGKUMAN DO'A

DO'A MENUJU KEMESJID

اللَّهُمَّ اجْعَلْ فِي قَلْبِي نُورًا، وَفِي بَصَرِي نُورًا، وَفِي سَمْعِي نُورًا،
وَعَنْ يَمِينِي نُورًا، وَعَنْ يَسَارِي نُورًا، وَفَوْقِي نُورًا، وَتَحْتِي
نُورًا، وَأَمَامِي نُورًا، وَخَلْفِي نُورًا، وَاجْعَلْ لِي نُورًا.

Allaahummaj'al fil qalbii nuuran, wafii basharii nuuran, wafii sam'ii nuuran, wa'an yamiinii nuu ran, wa'an yasaarii nuran, wafauqii nuuran, wa tahtii nuuran, wa amaamii nuuran, wakhalfiee nuu ran, waj'allii nuuran.

ERTINYA

Ya Tuhanku, nyalakanlah cahaya dalam hatiku, juga pada penglibatanku, juga pada pendengaranku, dan nyalakanlah cahaya pada sisi kananku dan sisi kiri ku juga dari atasku dan dari bawahku dan juga dari hadapanku dan belakangku cahaya. Ya Allah, berikan cahaya kepadaku.

(H.R. Bukhari dari Abdullah b. Abas r.a.)

KE'ARIFAN MENILAI



MUTIARA HIKMAT

KE'ARIFAN MENILAI KEADAAN YANG DIALAMI DAPAT MELAHIR KESEDARAN

Alkisah, maka tersebutlah seorang tua, pembuat pasu. Ia bekerja dengan cukup hati-hati dan sungguh-sungguh. Buatannya bagus-bagus dan cantik. Rupa, bentuk dan bunga-bunganya menarik hati ramai pelanggan. Peminat-peminat barang antik (kuno) pun suka membelinya, lantaran melihat beberapa keistimewaan hasil karya orana tua itu.

Arkian, maka pada suatu hari datang seorang yang pernah membeli sebuah pasu buatan orang tua itu dan mengembalikan pasu itu kepada pak tua

pembuat pasu. Sambil minta maaf, sipembeli itu menunjukkan kepada pak tua beberapa cacat dan kekurangan yang terdapat pada pasu tersebut. Pak tua pembuat pasu menerima kenyataan dan menyedari beberapa kelemahan dan kekurangan yang terdapat pada pasu dan juga pada dirinya sendiri. Ia menangis ketika ia menerima kembali pasunya itu. Tuan yang membeli pun merasa sedih, lalu bertanya kepada pak tua itu: "Mengapa anda menangis?" Pak tua, pembuat pasu, menjawab: "Saya menangis bukan kerana anda tidak jadi membeli pasu saya. Saya ini sudah berumur 40 tahun lebih. Yang sangat merisaukan hati saya ialah: bila amal-amal saya selama ini ditolak oleh Allah, bagaimana nasib saya di hadapan Al-Khalik nanti? Padahal saya tidak tahu apa kelemahan-kelemahan serta cacat dan 'aib daripada amal-amal saya itu, walaupun ianya sudah saya kerjakan dengan hati-hati dan sungguh-sungguh."

Tuan pembeli itu lalu menjawab sambil menghiburkan hati orang tua itu: "Adapun amal-amal terhadap Allah itu memerlukan beberapa rukun dan syarat. Semua minta dipelajari, diketahui dan diamalkan dengan penuh teliti. Sebelum dimulai, ianya mesti didahului dengan satu niat yang ikhlas, semata-mata kerana Allah. Setiap amal hendaklah merupakan ibadah kepada Allah. Sebelum berpisah, ia mantapkan sekali lagi kata-kata nasehatnya: "Ikhlasikanlah hatimu dan sempurnakan dengan baik segala amal-amalmu, lengkap dengan rukun dan syaratnya. Mudah-mudahan Allah SWT menerimanya!"

Abu Asyfairi
(Suara Masjid)

RUANGAN FATWA

Oleh

(Datuk Haji Abdul Kadir Hassan)
Mufti Negeri Sarawak

Saal: Apa hukum mengubat pesakit dengan cara berhantu?

Jawab: Agama Islam adalah dibina diatas asas akidah dan kepercayaan yang sejahtera. Asas akidah Islam ialah TAUHID. Tauhid adalah pokok keimanan yang terpenting atau dasar agama yang paling utama, kerana dengan baik dan sempurnanya tauhi dan iman seseorang, tiadalah dia akan memuja dan menyembah kepada makhluk atau meminta kepada benda yang tidak memberi menfaat dan tidak mendatangkan mudarat.

Orang yang berjiwa tauhid itu tiada akan menundukkan jiwanya, tiada akan menyerah dirinya, dan tidak akan menyembah dengan seluruh jasmani dan rohaninya, melainkan hanyalah kepada Allah semata-mata, tiada kepada yang lainnya. Yang lain daripada Allah dianggapkannya sama seperti dirinya belaka, tiada lebih daripada makhluk Allah yang lain jua, sama-sama bergantung kepada Allah Yang Maha Kuasa.

Tauhid ertinya mengaku akan ketunggalan dan keesaan Allah S.W.T. pada zatNYA, pada sifatNYA dan AfaalNYA (perbuatanNYA). Sebagai seorang Islam yang berjiwa tauhid tiadalah harus kita dipercayai bahawa ada suatu yang lain daripada ALLAH Yang



Berubat cara hantu; membawa kepada perbuatan syirik.

mempunyai bahawa ada suatu yang lain daripada ALLAH yang mempunyai kekuasaan sebagaimana kekuasaan ALLAH: seperti kuasa-kuasa menghidup, memati, menyembuh, mendatangkan penyakit, memberi rezeki, memberi anak dan sebagainya. Maka kuasa itu semuanya tiada ada pada sesiapa; tiada ada pada sesuatu melainkan hanyasanya semata-mata kekuasaan Allah S.W.T.

Jika seseorang itu mengiktikadkan bahawa di sana ada sesuatu yang mempunyai kekuasaan sama seperti kekuasaan Allah; seumpama dia percaya bahawa hantu berkuasa menyembuh penyakit, berkuasa menghidup dan mematikan, maka yang demikian itu adalah bererti menyengutukan Allah dengan sesuatu, iaitu yang dinamakan syirik — (wal-ia-zubillah!). Dan syirik itu hukumnya adalah berdosa besar. Iaitu dosa yang tiada diampunkan oleh Allah S.W.T. sebagaimana firmanNYA:

إِنَّ اللَّهَ لَا يَغْفِرُ أَنْ يُشْرَكَ بِهِ
وَيَغْفِرُ مَا دُونَ ذَلِكَ لِمَنْ يَشَاءُ
وَمَنْ يُشْرِكْ بِاللَّهِ فَقَدْ افْتَرَى
إِثْمًا عَظِيمًا

(النساء : ٤٨)

Kira Maksudnya:

"Sesungguhnya Allah tidak mengampun dosa orang yang berlaku syirik kepadaNYa, sedang dosa-dosa yang lainnya boleh diampunkanNYA, bagi sesiapa yang dikehendakiNYA. Dan barangsiapa yang menyekutu Allah dengan sesuatu yang lain, maka sesungguhnya dia adalah melakukan dosa yang paling besar."

(Q:S:4, A: 48)

Di dalam satu ayat yang lain pula, Tuhan berfirman:

.. فَقَدْ ضَلَّ سُلَالًا بَعِيدًا ..

Maksudnya:

"Maka (orang yang syirik itu) sesungguhnya telah sesat dengan sesat-sesatnya"

Bermaksud membawakannya jauh ke dalam api neraka.

Yang dimaksud dengan menyekutu Allah itu iaitu samada pada zatNYA atau sifatNYA atau perbuatanNYA.

Jadi, perbuatan berubat dengan hantu, memanggil hantu minta tolong kepadanya, supaya menyembuhkan penyakit, perbuatan itu adalah satu-satu

perbuatan yang membawa kepada syirik, yang wajib dijauhkan oleh setiap orang Islam dan orang yang beriman.

Adapun berubat dengan cara jampi dan doa yang tidak membawa kepada syirik samada dalam jampi dan doa, atau bacaan-bacaannya didalam bahasa Arab itu, dia minta kepada Tuhan menyembuhkan penyakit-penyakit itu, maka tiadalah ditegah di dalam Islam, kerana memang ada tersebut didalam Hadis bahasa Rasulullah membenarkan mengguna jampi atau bacaan-bacaan doa yang tidak membawa kepada syirik. Sebagaimana di dalam Hadis yang diriwayatkan oleh Ahmad dan Muslim daripada Jabir (r.a.), sabda Baginda:

مَنْ اسْتَطَاعَ مِنْكُمْ أَنْ يَنْفَعِ أَخَاهُ
فَلْيَفْعَلْ

Kira Maksudnya:

"Barangsiapa sanggup menolong saudaranya maka hendaklah dia menolongnya."

Dirawayat oleh Abu Daud di dalam kitab susunannya daripada hadis Abi Ad-dardak, kira maksudnya:

Berkata Abu Dardak, "Telah bersabda Rasulullah (S.A.W.): "Apabila seseorang kamu mengadu akan suatu kesakitan atau mengadu kepadanya oleh saudara yang lain, maka hendaklah dia berkata ya'ni (menjampikan doanya) dengan katanya:

"Wahai Tuhan kami iaitu Allah yang dilangit (maksud dilangit disini iaitu ketinggian maqam dan sifat Allah S.W.T. - bukan Tuhan itu berada di langit). Sesungguhnya maha suci namaMU ya Allah! PemerintahMU meliputi langit dan bumi, sebagaimana rahmatMU berada di langit maka turunkanlah

rahmatMU itu di bumi ini, dan ampunkanlah dosa-dosa kami dan kesalahan-kesalahan kami. Engkaulah Tuhan sekalian orang yang baik-baik. Turunkanlah rahmat dari sisiMu, dan ubat daripada ubat Engkau keatas penyakit ini, maka sembuhkanlah dia dengan izin Allah”.

Di dalam hadis ini Rasulullah S.A.W. mengajar cara berdoa dan berjampi dan diluluskan didalam ajaran Islam, ya’ni jampi yang tiada membawa kepada syirik. Kalau jampi itu didalam bahawa Melayu atau di dalam bahasa apa jua tiadalah ditegah asalkan jampi itu bersih dari anasir-anasir syirik.

Akan tetapi memuja hantu, memini-

ta kepada hantu, dan mempercayai bahawa hantu atau jin itu, kononnya mengetahui segala-gala rahsia yang ghaib, adalah perbuatan yang bertentangan dengan kepercayaan tauhid. Menurut keterangan Al-Quran sendiri ternyata hantu dan jin itu adalah suatu makhluk yang tidak mengetahui dengan alam yang ghaib.

Dari itu rubat dengan berhantu adalah pekerjaan yang karut yang tiada sekali-kali diredhai oleh Allah dan RasulNYA.

- والله أعلم -

عَنْ رَبِيعِ بْنِ مَعُوذٍ رَضِيَ اللَّهُ عَنْهَا : كُنَّا نَغْزُو مَعَ رَسُولِ اللَّهِ صَلَّى اللَّهُ عَلَيْهِ وَسَلَّمَ ، نَسْقِي الْقَوْمَ وَنُخَدِّمُهُمْ وَنُرَدُّ الْجَرْحَى وَالْقَتْلَى إِلَى الْمَدِينَةِ .

(رواه البخاري)

Ertinya:

Daripada Rubaiyun binti Muawizin r.a.: Adalah kami berperang bersama Rasulullah s.a.w. Kami memberi air kepada tentera dan kami mengkhidmat mereka itu dan kami membawa pulang orang-orang luka dan orang-orang terbunuh ke-Madinah.

(Riwayat Bokhari).

KHAMAR

Dipetik dari Kitab Halal dan Haram Syaikh Yusuf AlQardhawi
(Oleh: Us. Syed Muhamad Alwi Al Attas)

KHAMAR (ARAK)



KHAMAR adalah bahan yang mengandung alkohol yang memabukkan.

Untuk lebih jelasnya, disini akan kami sebutkan beberapa bahaya khamar terhadap peribadi seseorang, baik akal nya, tubuhnya, agamanya dan dunianya. Akan kami jelaskan juga betapa bahayanya terhadap rumahtangga ditinjau dari segi pemeliharaannya mahupun pengurusannya terhadap isteri dan anak-anak. Dan akan kami bentangkan juga betapa mengancamnya arak



Minuman keras boleh menjahanamkan kehidupan.

terhadap masyarakat dan bangsa dalam existensinya, baik yang berupa moral mahupun etika.

Sungguh benar apa yang dikatakan oleh salah seorang penyelidik, bahwa tidak ada bahaya yang lebih parah yang diderita manusia, selain bahaya arak. Kalau diadakan penyelidikan secara teliti dirumah-rumah sakit, bahwa kebanyakan orang yang gila dan mendapat gangguan saraf adalah disebabkan arak. Dan kebanyakan orang yang bunuh diri ataupun yang membunuh kawannya adalah disebabkan arak. Termasuk juga kebanyakan orang yang menyakiti dirinya kerana diliputi oleh suasana kegelisahan, orang yang membawa dirinya kepada lembah kebangkrutan dan menghabiskan hak miliknya, adalah disebabkan oleh arak.

Begitulah, kalau terus diadakan suatu penelitian yang cermat, niscaya akan mencapai batas klimaks yang sangat mengerikan, yang kita jumpai, bahwa nasihat-nasihat, kecil sekali ertinya.

Orang-orang Arab dalam masa ke-jahilannya selalu disilaukan untuk minum khamar dan menjadi pencandu arak. Ini dapat dibuktikan dalam bahasa mereka yang tidak kurang dari 100 nama dibuatnya untuk mensifati khamar itu. Dalam syair-syairnya mereka puji khamar itu, termasuk sloki-slokinya (gelas-gelasnya), pertemuan-pertemuannya dan sebagainya.

Setelah datang Agama Islam maka larangan meminum khamar itu diatur dengan bijaksana dan bertahap. Pertama kali turun ayat yang menerangkan dengan jelas tentang khamar itu faedahnya dan bahayanya. Dijelaskan, bahawa bahayanya lebih besar daripada faedahnya. Sesudah itu turun lagi ayat,

yang melarang orang sembahyang, kalau ia sedang mabuk. Dan terakhir barulah datang ayat yang lebih tegas, yang menyuruh berhenti daripada mendekati khamar itu, seperti tersebut dalam Surah 5, ayat 90 dan 91.

يَا أَيُّهَا الَّذِينَ آمَنُوا إِنَّمَا الْخَمْرُ
وَالْمَيْسِرُ وَالْأَنْصَابُ
وَالْأَزْلَامُ رِجْسٌ مِنْ عَمَلِ الشَّيْطَانِ
فاجْتَنِبُوهُ لَعَلَّكُمْ تَفْلَحُونَ
إِنَّمَا يُرِيدُ الشَّيْطَانُ
أَنْ يُوقِعَ بَيْنَكُمُ الْعَدَاوَةَ
وَالْبَغْضَاءَ فِي الْخَمْرِ وَالْمَيْسِرِ
وَيَصُدَّكُمْ عَنْ ذِكْرِ اللَّهِ
وَعَنِ الطَّوَاتُرِ فَهَلْ أَنْتُمْ مُنْتَهُونَ

(المائدة: ٩٠-٩١)

"Hai orang-orang yang beriman! Sesungguhnya arak, judi, berhalal, dan undian adalah kotor dari perbuatan syaitan. Oleh kerana itu jauhilah dia supaya kamu bahagia. Syaitan hanya bermaksud untuk mendatangkan permusuhan dan kebencian di antara kamu sebab khamar dan judi, serta menghalang kamu daripada ingat kepada Allah dan sembahyang. Apakah kamu tidak mahu berhenti?"

(Al-Maidah: 90-91)

Dalam kedua ayat tersebut Allah mempertegas diharamkannya arak dan

judi yang diiringi pula dengan menyebut berhala dan undian dengan dinilainya sebagai perbuatan najis (kotor). Kata-kata rijs (kotor, najis) ini tidak pernah dipakai dalam Al-Quran, kecuali terhadap hal yang memang sangat kotor dan jelek.

Khamar dan judi adalah berasal dari perbuatan syaitan, sedang syaitan hanya gemar berbuat yang tidak baik dan mungkar. Justeru itulah Al-Quran menyerukan kepada umat Islam untuk menjauhi kedua perbuatan itu sebagai jalan untuk menuju kepada kebahagiaan.

Selanjutnya Al-Quran menjelaskan juga tentang bahaya arak dan judi dalam masyarakat, yang diantaranya dapat mematahkan orang untuk mengerjakan sembahyang dan menimbulkan permusuhan dan kebencian. Sedang bahayanya dalam jiwa, iaitu dapat menghalang untuk menunaikan kewajipan-kewajipan agama, diantaranya ialah zikrullah dan sembahyang.

Terakhir Al-Quran menyerukan supaya kita berhenti dari minum arak dan bermain judi. Seruannya diungkapkan dengan kata-kata yang tajam sekali, iaitu dengan kata-kata: fahal antum muntahun (apakah kamu tidak mahu berhenti?).

Jawab seorang mu'min terhadap seruan ini: "Ya, kami telah berhenti, ya Allah!"

Orang-orang mu'min membuat suatu keanehan sesudah turunnya ayat tersebut, iaitu ada seorang laki-laki yang sedang membawa sloki penuh arak, sebahagiannya telah diminum, tinggal sebahagian lagi yang sisa. Setelah ayat tersebut sampai kepadanya, gelas tersebut dilepaskan dan araknya dituang ke tanah.

Banyak sekali negara-negara yang mengakui bahaya arak ini, baik terhadap

peribadi, rumahtangga ataupun tanah air. Sementara ada yang berusaha untuk memberantasnya dengan menggunakan kekuatan undang-undang dan kekuasaan, seperti Amerika, tetapi akhirnya mereka gagal. Tidak dapat seperti yang pernah dicapai oleh Islam di dalam memberantas dan menghilangkan arak ini.

Dari kalangan kepala-kepala gereja bertentangan dalam menilai bagaimana pandangan Kristen terhadap masalah arak, justeru kerana di Injil ditegaskan: "Bahwa arak yang sedikit itu baik buat perut."

Kalau omongan itu betul, niscaya yang sedikit itu perlu dihentikan sebab minum arak sedikit, dapat membawa kepada banyak. Gelas pertama akan disambut dengan jelas kedua dan begitulah seterusnya sehingga akhirnya menjadi terbiasa.

SETIAP YANG MEMABUKKAN BERARTI ARAK

Pertama kali yang dicanangkan Nabi Muhammad s.a.w. tentang masalah arak, iaitu beliau tidak memandangnya dari segi bahan yang dipakai untuk membuat arak itu, tetapi beliau memandang dari segi pengaruh yang ditimbulkan, iaitu memabukkan. Oleh kerana itu bahan apapun yang nyata-nyata memabukkan bererti dia itu arak, betapapun mereka dan nama yang dipergunakan oleh manusia; dan bahan apapun yang dipakai. Justeru itu Beer dan sebagainya dapat diukumi haram.

Rasulullah s.a.w. pernah ditanya tentang minuman yang terbuat dari madu, atau dari gandum dan sya'ir yang diperas sehingga menjadi keras. Nabi Muhammad sesuai dengan sifatnya berbicara pendek tetapi padat, maka di

dalam menjawab pertanyaan tersebut beliau sampaikan dengan kalimat yang pendek juga, tetapi padat:

كُلُّ مَسْكِرٍ خَمْرٌ
وَكُلُّ خَمْرٍ حَرَامٌ

• (رواه مسلم)

(Riwayat Bukhari dan Muslim)

MINUM SEDIKIT

Untuk kesekian kalinya Islam tetap bersikap tegas terhadap masalah arak. Tidak lagi dipandang kadar minumannya, sedikit atau banyak. Kiranya arak telah cukup dapat menggelincirkan kaki manusia. Oleh kerana itu sedikitpun tidak boleh disentuh.



Daun terup: silap mata atau berjudi adalah kotor dan perbuatan syaitan.

"Semua yang memabukkan bererti arak, dan setiap arak adalah haram."

(Riwayat Muslim)

Dan Umar pun mengumumkan pula dari atas mimbar Nabi, "Bahwa yang dinamakan arak ialah apa-apa yang dapat menutupi fikiran."

Justeru itu pula Rasulullah s.a.w. pernah menegaskan:

مَا سَكِرَ كَثِيرُهُ فَقَلِيلُهُ حَرَامٌ

• (احمد ، ابود اود ، الترمذی)

"Minuman apapun kalau banyaknya itu memabukkan, maka sedikitnya pun adalah haram."

(Riwayat Ahmad, Abu Daud, Termizi)

أَكْرَ الْفَرْقِ مِنْهُ فَعَمِلَ

الْكُفِّ مِنْهُ حَرَامٌ .

• (أحمد ، أبوداود ، الترمذی)

"Minuman apapun kalau sebanyak furq itu memabukkan, maka sepenuh tapak tangan adalah haram."

(Riwayat Ahmad, Abu Daud, Termizi)

Satu furq sama dengan 16 kati. (rithl).

MEMPERDAGANGKAN ARAK

Rasulullah tidak menganggap sudah cukup dengan mengharamkan minum arak, sedikit ataupun banyak, bahkan memperdagangkan pun tetap diharamkan, sekalipun dengan orang di luar Islam. Oleh kerana itu tidak halal hukumnya seorang Islam mengimport arak, atau memproduksi arak, atau membuka warung arak, atau bekerja di tempat penjualan arak.

Dalam hal ini Rasulullah s.a.w. pernah melaknatnya, iaitu seperti tersebut dalam riwayat di bawah ini:

لَعْنُ النَّبِيِّ صَلَّى اللَّهُ عَلَيْهِ

وَسَلَّمَ فِي الْخَمْرِ عَشْرَةَ عَامِهَا

وَمُعْتَصِرَهَا وَشَارِبَهَا وَحَامِلَهَا

وَالْحَمُولَةُ إِلَيْهِ وَسَاقِيهَا .

وَبَائِعُهَا وَآكِلُ ثَمَنِهَا

وَالْمُشْتَرِي لَهَا وَالْمُشْتَرَاةَ لَهَا .

• (الترمذی وابن ماجه ورواه ثقات)

"Rasulullah s.a.w. melaknat tentang arak, sepuluh golongan: (1) yang memerasnya, (2) yang minta diperaskannya, (3) yang meminumnya, (4) yang membawanya, (5) yang minta dihantarnya, (6) yang menuangkannya, (7) yang menjualnya, (8) yang makan harganya, (9) yang membelinya, (10) yang minta membelikannya."

(Riwayat Termizi dan Ibnu Majah)

Setelah ayat Al-Quran surah Al-Maidah (90-91) itu turun, Rasulullah s.a.w. kemudian bersabda:

إِنَّ اللَّهَ حَرَّمَ الْخَمْرَ

فَمَنْ أَدْرَكَتْهُ هَذِهِ الْآيَةُ وَعِنْدَهُ

مِنْهَا شَيْءٌ فَلَا يَشْرِبْ وَلَا يَبِيعْ .

• (رواه مسلم)

"Sesungguhnya Allah telah mengharamkan arak, maka barangsiapa yang telah mengetahui ayat ini dan dia masih mempunyai arak walaupun sedikit, jangan minum dan jangan menjualnya."

Rawi Hadis tersebut menjelaskan, bahwa para sahabat kemudian mencegat orang-orang yang masih menyimpan arak di jalan-jalan Madinah lantas dituangnya

ke tanah.

Sebagai cara untuk membendung jalan yang akan membawa kepada perbuatan yang haram (saddud dzara'ik), maka seorang muslim dilarang menjual anggur kepada orang yang sudah diketahui, bahawa anggur itu akan dibuat arak. Kerana dalam salah satu Hadis dikatakan:

من حسن العنب أيام القطاف
حتى يبيعه من يهودي
أو نصراني أو مقيم يتخذه
خمرا فقد تقحم النار
على بصيرة • (الطبراني)

"Barangsiapa menahan anggurinya pada musim-musim memetikanya, kemudian dijual kepada seorang Yahudi atau Nasrani atau kepada tukang membuat arak, maka sungguh jelas dia akan masuk neraka."

(Riwayat Thabarani)

SEORANG MUSLIM TIDAK BOLEH MENGHADIAHKAN ARAK

Kalau menjual dan memakan harga arak itu di haramkan bagi seorang muslim, maka menghadihkannya walaupun tanpa ganti, kepada seorang Yahudi, Nasrani atau yang lain, tetap haram juga.

Seorang muslim tidak boleh

menghadihkan atau menerima hadiah arak. Sebab seorang muslim adalah baik, dia tidak boleh menerima kecuali yang baik pula.

Diriwayatkan, ada seorang laki-laki yang memberi hadiah satu guci arak kepada Nabi s.a.w., kemudian Nabi memberitahu bahawa arak telah diharamkan Allah. Orang laki-laki itu bertanya:

(Orang lelaki)

Rajul: Bolehkah saya jual?

Nabi: Zat yang mengharamkan meminumnya, mengharamkannya juga menjualnya.

Rajul: Bagaimana kalau saya hadiahkan saja kepada orang Yahudi?

Nabi: Sesungguhnya Allah yang telah mengharamkan arak, mengharamkan juga untuk dihadihkan kepada orang Yahudi.

Rajul: Habis, apa yang harus saya perbuat?

Nabi: Tuang saja di selokan air. (1)

1) Riwayat Al-Humaidi dalam musnadnya.

TINGGALKAN TEMPAT PERSIDANGAN ARAK

Berdasar sunnah Nabi orang Islam diharuskan meninggalkan tempat persidangan arak, termasuk juga berduduk-duduk dengan orang yang sedang minum arak.

Diriwayatkan dari Umar r.a. bahawa dia pernah mendengar Rasulullah s.a.w. bersabda:

من كان يؤمن بالله واليوم الآخر
فلا يقعد على مائدة تدار

عليها الخمرة

• (احمد)

"Barangsiapa beriman kepada Allah dan hari akhir, maka janganlah duduk pada suatu hidangan yang padanya diedarkan arak."

(Riwayat Ahmad)

Setiap Muslim diperintah untuk menghentikan kemungkaran kalau menyaksikannya. Tetapi kalau tidak mampu dia harus menyingkir dan menjaga masyarakat dan keluarganya.

Dalam salah satu kisah diceritakan bahwa Khalifah Umar bin Abdul Aziz pernah mendera orang-orang yang berkata: Bahwa diantara mereka itu ada yang berpuasa. Maka jawab Umar: Dera dulu dia!

Apakah kamu tidak mendengarkan firman Allah yang mengatakan:

وَقَدْ نَزَّلَ عَلَيْكُمْ فِي الْكِتَابِ

أَن إِذَا سَمِعْتُم آيَاتِ اللَّهِ يُكْفَرُ

بِهَا وَيَسْتَهْزَأُ بِهَا فَلَا تَقْعُدُوا

بِهَا حَتَّى يَخُوضُوا فِي حَدِيثٍ

غَيْرِهِ إِنَّكُمْ إِذًا لَمِنَ الْمُفْسِدِينَ

• (النساء: ١٤٠)

"Sesungguhnya Allah telah menurunkan kepadamu dalam Al-Quran, bahwa

apabila kamu mendengar ayat-ayat Allah ditentangnya dan diejeknya. Oleh karena itu jangan kamu duduk bersama mereka sehingga mereka itu tenggelam dalam omongan lain, sebab sesungguhnya kamu kalau demikian keadaannya adalah sama dengan mereka."

(An-Nisa': 140)

KHAMAR ADALAH PENYAKIT, BUKAN UBAT

Dengan nas-nas yang jelas, maka Islam dengan gigih untuk memberantas arak dan menjauhkan ummat Islam dari arak, serta dibuatnya suatu pagar antara ummat Islam dan arak. Tidak ada satupun pintu yang terbuka, betapapun sempitnya pintu itu, buat meraihnya.

Tidak seorang Islampun yang diperkenankan minum arak walaupun hanya sedikit. Tidak juga diperkenankan untuk menjual, membeli, menghadiahkan ataupun membuatnya. Di samping itu tidak pula diperkenankan menyimpan ditokonya atau di rumahnya. Termasuk juga dilarang menghidangkan arak dalam perayaan-perayaan baik kepada orang Islam ataupun kepada orang lain juga dilarang mencampurkan arak pada makanan ataupun minuman.

Tinggal ada satu segi yang sering oleh sementara orang ditanyakan, iaitu tentang arak dipakai untuk berubat. Dalam hal ini Rasulullah s.a.w. pernah menjawab kepada orang yang bertanya tentang hukum arak. Lantas Nabi menjawab: Dilarang! Kata laki-laki itu kemudian: Innama nashana'uha liddawa' (kami hanya pakai untuk berubat).

Maka jawab Nabi selanjutnya:

إِنَّهُ لَيْسَ بِدَوَاءٍ وَلَكِنَّهُ دَاءٌ

(مسلم ، احمد ، ابو داود ،
الترمذی) .

"Arak itu bukan ubat tetapi penyakit".

(Riwayat Muslim Ahmad Abdu Daud dan Termizi)

Dan sabdanya pula

اِنَّ اللّٰهَ اَنْزَلَ الدَّاءَ
وَالدَّاءَ وَاجْعَلْ لَكُمْ دَاءً وَءَاقَةً تَد
اَوْوَا وَلَا تَد اَوْوَا بِحَرَامٍ .
(ابو داود)

"Sesungguhnya Allah telah menurunkan penyakit dan ubat, dan menjadikan untuk kamu bahwa tiap, penyakit ada ubatnya, oleh kerana itu berubatlah, tetapi jangan berubat dengan yang haram." (Riwayat Abu Daud)

Dan Ibnu Mas'ud pernah juga mengatakan perihal minuman yang memabukkan: "Sesungguhnya Allah tidak menjadikan kesembuhanmu dengan sesuatu yang Ia haramkan atas kamu." (Riwayat Bukhari).

Memang tidak mengherankan kalau Islam melarang berubat dengan arak dan benda-benda lain yang diharamkannya, sebab diharamkannya sesuatu, sesuai dengan analisa Ibnu Qayim, mengharuskan untuk dijauhi selamanya dengan jalan apapun. Maka kalau arak itu boleh dipakai untuk berubat, berarti ada suatu anjuran supaya mencintai dan menggunakan arak itu. Ini jelas berlawanan dengan apa yang dimaksud

oleh syara'.

Selanjutnya kata Ibnu Qayim: membolehkan berubat dengan arak, lebih-lebih bagi jiwa yang ada kecenderungan terhadap arak, akan cukup menarik orang untuk meminumkan demi memenuhi selera dan untuk bersenang-senang, terutama orang yang mengerti akan manfaatnya arak dan dianggapnya dapat menghilangkan sakitnya, maka pasti dia akan menggunakan arak guna kesembuhan penyakitnya itu.

Sebenarnya ubat-ubat yang haram itu tidak lebih hanya kira-kira saja dapat menyembuhkan.

Ibnu Qayim memperingatkan juga yang ditinjau dari segi kejiwaan, ia mengatakan: "Bahwa syaratnya sembuh dari penyakit haruslah berubat yang dapat diterima akal, dan yakin akan manfaatnya ubat itu serta adanya barakah kesembuhan yang dibuatnya oleh Allah. Sedang dalam hal ini telah dimaklumi, bahwa setiap muslim sudah berkeyakinan akan haramnya arak, yang kerana keyakinannya ini dapat melindungi orang Islam untuk mempercayai kemantaatan dan barakahnya arak itu, dan tidak bisa jadi seorang muslim dengan keyakinannya semacam itu untuk berhusnudz-dzan (beranggapan baik) terhadap arak dan dianggapnya sebagai ubat yang dapat diterima akal. Bahkan makin tingginya iman seseorang, makin besar pula kebenciannya terhadap arak dan makin tidak baik keyakinannya terhadap arak itu. Sebab keperibadian seorang Muslim harus membenci arak. Kalau demikian halnya, arak adalah penyakit, bukan ubat." (1)

Walaupun demikian, kalau sampai terjadi keadaan dharurat, maka dharurat itu dalam pandangan syariat Islam ada hukumnya tersendiri.

1) Zadul Ma'ad juz 3: halaman 115-116

Oleh kerana itu, kalau seandainya arak atau ubat yang dicampur dengan arak itu dapat dinyatakan sebagai ubat untuk sesuatu penyakit yang sangat mengancam kehidupan manusia, di mana tidak ada ubat lainnya kecuali arak, dan saya sendiri percaya hal itu tidak akan terjadi, dan setelah mendapat pengesahan dari doktor muslim yang mahir dalam ilmu kedokteran dan mempunyai jiwa cemburu (ghirah) terhadap agama, maka dalam keadaan demikian berdasar kaedah agama yang selalu membuat kemudahan dan menghilangkan beban yang berat, maka berubat dengan

arak tidaklah dilarang, dengan syarat dalam batas seminimal mungkin.

Sesuai dengan firman Allah:

فَمِنْ أَضْطَرٍّ غَيْرِ بَاغٍ وَلَا عَادٍ
ثَانَ رَبِّكَ غَفُورٌ رَحِيمٌ

• (الانعام : ١٤٥)

“Barangsiapa terpaksa dengan tidak sengaja dan tidak melewati batas, maka sesungguhnya Tuhanmu Maha Pengampun dan Maha Belas Kasihan.”

(Al-An'am: 145)

● RANGKUMAN DO'A ●

DO'A AKAN TIDUR

بِسْمِ اللَّهِ وَصَعْتُ جَنْبِي . اللَّهُمَّ اغْفِرْ لِي ذَنْبِي وَأَخْسِنِي
شَيْطَانِي وَفَكَرْهُمَا لِي وَأَجْعَلْ لِي فِي النَّدِيِّ الْأَعْلَى .

Bismillahi wadla'tu jambii, Allaahummaqfir lli dzambii, waakhsi' syaithaanii, wafukka rihaani, waj'alnii fin nadiyyil a'ala.

ERTINYA

Dengan nama Allah, aku meletakkan lambungku. Ya Allah! ampunilah dosaku dan usirlah setan (penggoda)ku dan lepaskanlah tanggunganku dan jadikanlah aku didalam kelompok para malaikat yang tertinggi.

(H.R. Abu Dawud)

Britain:

Jamil, kanak-kanak termuda yang hafaz Al-Qur'an

Glasgow,

Seorang kanak-kanak lelaki umur 8 tahun, telah menjadi "hafiz" - orang yang hafaz Al-Qur'an - termuda dinegeri Barat yang menghafaz 77.934 ayat dalam Al-Qur'an, kitab suci kaum muslimin, demikian para pembimbing keagamaan menyatakan. Mereka mengatakan, bahawa Jamil Moghul mulai membaca Al-Qur'an ketika ia berusia 5 tahun dan menghafaz teks Arab itu dengan belajar selama 5 sampai 6 jam sehari selepas sekolah dalam waktu kurang daripada 2 tahun, 9 December

1984 sampai 15 November 1986 yang lepas. Untuk membuktikan bahawa ianya dapat menghafaz, Jamil mesti membacakan keseluruhan teks (ayat) kepada imamnya, penterjemahnya dan guru agamanya, Hafiz Shafiq Ahmed. Jamil telah diberi hadiah sebuah kain "sorban" dimesjid pusat Glasgow Scotland. Kain "sorban" berwarna hijau itu dihadiahkan sebagai penghormatan diatas prestasi luar biasa khusus dalam disiplin Islam atau pelajaran agama, kata Imam Mufti Magbool Ahmed, pemimpin masyarakat Muslim tempatan (Rekaman Berita Jum. Awal 1407/January 1987).

Belgium:

3000 masuk Islam di Belgium

Brussel.

Surat khabar mingguan "Lovive Express", terbitan Brussel, ibu kota Belgium, baru-baru ini menyiarkan bahawa dalam beberapa tahun terakhir ini 3000 rakyat Belgium telah menyatakan diri masuk agama Islam.

Peluang bagi non Muslim untuk masuk Islam secara leluasa di Belgium, adalah selepas adanya pengakuan resmi kerajaan Belgium bahawa agama Islam sebagai agama besar resmi kedua di Belgium yang diakui dan memiliki hak-hak bebas bergerak dan menyebarkan serta memiliki hak-hak hukum lainnya. Pengakuan resmi kerajaan Belgium tersebut ditetapkan sejak tahun 1974. Undang-undang di dikeluarkan setelah adanya pembicaraan-pembicaraan yang penuh kesadaran dalam sidang parlimen Belgium.

Kaum muslimin Belgium dalam meningkatkan da'wah Islam, menerbitkan majallah "Risalah Masjid" dalam dua bahasa, Belgium dan Perancis. Majallah

BERITA DUNIA ISLAM

tersebut merupakan majallah Islam pertama diterbitkan di Eropah setelah mendapat pengakuan resmi. (Al-Azhar, 3/1407 H - 11/1986 - Rekaman).

USA:

Bahasa Al-Qur'an pada medali perdamaian



New York. PBB.

Pertubuhan Bangsa-Bangsa Bersatu (PBB) menetapkan bagi menjadikan bahasa Arab (bahasa Al-Qur'an) sebagai salah satu bahasa resmi pada medali perdamaian antarabangsa tahun 1987 M.

Perlu dimaklumi bahawa sebelumnya wakil tetap Liga Arab di PBB, Clorfes Maqsood telah mengajukan surat kepada Setiausaha Agung PBB, Perez de Cuellar, bagi mengusulkan agar supaya bahasa Arab, bahasa resmi PBB ke 7, dimasukkan kedalam bahasa medali perdamaian antara bangsa yang dikeluarkan oleh PBB setiap tahun. (Akhbar Alam Islami, 15/3/1407 H — 17/11/1986 M, Rekaman).

**Barang siapa yang semata-mata ingin-
kan kehidupan dunia dan perhiasannya
nescaya kami berikan kepada mereka
balasan pekerjaan mereka di dunia
dengan sempurna dan mereka di dunia
itu tidak akan dirugikan. Inilah orang
yang tidak memperoleh akhirat, kecuali
neraka, dan lenyaplah di akhirat itu apa
yang mereka usahakan (di dunia) dan sia-
sialah apa yang mereka kerjakan.**



LAPORAN PERLAWANAN BOLASEPAK

Perlawanan diantara KHIDMAT KELAS BIMBINGAN BINA melawan SEKOLAH MENENGAH KERAJAAN SHEIKH HAJI OTHMAN ABDUL WAHAB (SHOAW).

Khidmat Kelas Bimbingan BINA telah menubuhkan sebuah pasukan bolasepaknya sendiri yang terdiri daripada dua buah pasukan iaitu di bawah umur 16 tahun dan 18 tahun ke atas. Penubuhan pasukan bolasepak Khidmat



KKBB DAN SHOAW ADAKAN PELAWANAN PERSAHABATAN

Kelas Bimbingan BINA (KKBB) telah diasaskan oleh Pengurus Khidmat Kelas Bimbingan BINA Ini sendiri iaitu Encik Idris b. Bohari dan di bawah pengurusan saudara Wan Zulkarnain b. Wan Hasmi.

Dalam jangkamasa lebih kurang dua minggu penubuhan pasukan bolasepak KKBB ini, kami telah mengatur serta mengadakan satu perlawanan bolasepak secara persahabatan dengan SMK SHOAW, Matang. Perlawanan per-

Laporan Oleh: Pengurus Pasukan,
Khidmat Kelab Bimbingan BINA (KKBB)
Saudara Wan Zulkarnain b. Wan Hasmi

sahabatan ini adalah di atas satu inisiatif untuk memupukkan persaudaraan sesama Islam dengan sekolah tersebut.

pada hari Sabtu 14 Mac, 1987, jam 4.30 petang di sekolah tersebut. Untuk persediaan serta pengangkutan ke tem-

pat perlawanan, pasukan KKBB telah menyewa sebuah van untuk sampai ke sana dan satu set jersi yang dipinjamkan oleh salah seorang pemain KKBB itu sendiri. Buat masa ini pasukan bolasepak KKBB belum lagi mempunyai jersinya sendiri, dan Insya-Allah ianya sedang dalam usaha kami.

Seperti yang dijadualkan, tepat pada jam 4.30 petang perlawanan yang dinantikan bermula. Pada separuh masa pertama, masing-masing mempunyai cara tersendiri untuk menyerang dan menghasilkan gol dan akhirnya pasukan KKBB telah berjaya mendahului pasukan tuan rumah dengan satu rembatan dari jarak dekat oleh pemain sayap kiri KKBB iaitu Hamzah. Setelah gol tersebut dihasilkan ianya telah memperhebatkan lagi serangan dikedua-dua belah pasukan dan akhirnya pasukan SMK SHOAW telah berjaya menyamakan kedudukan di atas kesilapan pertahanan KKBB sendiri. Separuh masa pertama memberikan kedudukan gol yang sama iaitu 1-1.

Pada separuh masa kedua ini kedua-dua belah pemain bermain secara 'robust'. Tidak lama kemudian pasukan SMK SHOAW telah menjaringkan gol kedua mereka dan juga gol kemenangan mereka; tetapi merupakan gol kontraversi di mana salah seorang penyerang SHOAW yang tidak dikawal telah menjaringkan gol dalam keadaan off-side. Namun bantahan yang dibuat tidak mendapat perhatian pengadil dan juga penjaga garisan. Akhirnya perlawanan dijalankan dengan rancak dan menyaksikan kedua-dua pasukan balas-membalas serangan. Tiupan wisel penamat telah menghentikan perlawanan dan kemenangan menyebelahi pasukan SMK SHOAW. Walaupun kalah pasukan KKBB

tetap berbangga dengan kebolehan sendiri dan berjaya mempamerkan permainan yang agak baik walaupun tanpa latihan.

Insya-Allah kekalahan pertama kali itu, mungkin akan memberi semangat untuk bermain sebaik mungkin tidak memperolehi kemenangan diperlawanan akan datang.

KELAB BOLASEPAK KHIDMAT KELAS BIMBINGAN BINA

Penasihat: Encik Idris Bohari

Pengurus: Saudara Wan Zulkarnain
Wan Hasmi

Nama-nama pemain yang terlibat:

1. Zaidell Zelani
2. Mohd. Baki Anyan
3. Mohd. Yassin Bakar
4. Yaakub Morshidi
5. Norshariff Bakar
6. Hazali Madihi
7. Abd. Razak Hazmi
8. Norudin Talip
9. Annuar Mohammad
10. Shahrudin
11. Razana Bujang
12. Aziman
13. Abd. Mutalib
14. Abd. Malek
15. Awg. Zainuddin
16. Hamzah
17. Kushairi
18. Ismallia



Tankh	Daerah	Subuh	Terbit	Zuhur	Asar	Magrib	Isya
1-5	Kuching	5.19	6.39	12.44	4.06	6.51	8.01
	Sri Aman	5.14	6.34	12.39	4.01	6.46	7.56
	Sarikel	5.16	6.36	12.41	4.03	6.48	7.58
	Sibu	5.15	6.35	12.40	4.02	6.47	7.57
	Bintulu	5.11	6.31	12.36	3.58	6.43	7.53
6-10	Kapit	5.09	6.29	12.34	3.56	6.41	7.51
	Miri	5.09	6.29	12.34	3.56	6.41	7.51
	Limbang	5.06	6.26	12.31	3.53	6.38	7.48
	Lawas	5.05	6.25	12.30	3.52	6.37	7.47
		5.19	6.39	12.44	4.05	6.51	8.00
11-15	Kuching	5.14	6.34	12.39	4.00	6.46	7.55
	Sri Aman	5.16	6.36	12.41	4.02	6.48	7.57
	Sarikel	5.15	6.35	12.40	4.01	6.47	7.56
	Sibu	5.11	6.31	12.36	3.57	6.43	7.52
	Bintulu	5.09	6.29	12.34	3.55	6.41	7.50
16-20	Kapit	5.09	6.29	12.34	3.55	6.41	7.50
	Miri	5.09	6.29	12.34	3.55	6.41	7.50
	Limbang	5.06	6.26	12.31	3.52	6.38	7.47
	Lawas	5.05	6.25	12.30	3.51	6.37	7.46
		5.19	6.39	12.44	4.04	6.50	7.59
21-25	Kuching	5.18	6.38	12.42	4.01	6.49	7.57
	Sri Aman	5.13	6.33	12.37	3.56	6.44	7.52
	Sarikel	5.15	6.35	12.39	3.58	6.46	7.54
	Sibu	5.14	6.34	12.38	3.57	6.45	7.53
	Bintulu	5.10	6.29	12.34	3.53	6.41	7.49
26-31	Kapit	5.08	6.27	12.32	3.51	6.39	7.47
	Miri	5.08	6.27	12.32	3.51	6.39	7.47
	Limbang	5.05	6.24	12.29	3.48	6.36	7.44
	Lawas	5.04	6.23	12.28	3.47	6.35	7.43
		5.18	6.38	12.41	3.58	6.48	7.55
1-5	Kuching	5.13	6.33	12.36	3.53	6.43	7.50
	Sri Aman	5.15	6.35	12.38	3.55	6.45	7.52
	Sarikel	5.14	6.34	12.37	3.54	6.44	7.51
	Sibu	5.10	6.32	12.34	3.50	6.40	7.47
	Bintulu	5.08	6.26	12.31	3.48	6.38	7.45
6-10	Kapit	5.08	6.26	12.31	3.48	6.38	7.45
	Miri	5.08	6.26	12.31	3.48	6.38	7.45
	Limbang	5.05	6.23	12.28	3.45	6.35	7.42
	Lawas	5.04	6.22	12.27	3.44	6.34	7.41
		5.17	6.34	12.38	3.50	6.44	7.52
11-15	Kuching	5.12	6.29	12.33	3.45	6.39	7.49
	Sri Aman	5.14	6.31	12.35	3.47	6.41	7.49
	Sarikel	5.13	6.30	12.34	3.46	6.40	7.48
	Sibu	5.09	6.26	12.30	3.42	6.36	7.44
	Bintulu	5.07	6.24	12.28	3.40	6.34	7.42
16-20	Kapit	5.07	6.24	12.28	3.40	6.34	7.42
	Miri	5.07	6.24	12.28	3.40	6.34	7.42
	Limbang	5.04	6.21	12.25	3.37	6.31	7.39
	Lawas	5.03	6.20	12.24	3.36	6.30	7.38
		5.17	6.34	12.38	3.50	6.44	7.52
21-25	Kuching	5.12	6.29	12.33	3.45	6.39	7.49
	Sri Aman	5.14	6.31	12.35	3.47	6.41	7.49
	Sarikel	5.13	6.30	12.34	3.46	6.40	7.48
	Sibu	5.09	6.26	12.30	3.42	6.36	7.44
	Bintulu	5.07	6.24	12.28	3.40	6.34	7.42
26-31	Kapit	5.07	6.24	12.28	3.40	6.34	7.42
	Miri	5.07	6.24	12.28	3.40	6.34	7.42
	Limbang	5.04	6.21	12.25	3.37	6.31	7.39
	Lawas	5.03	6.20	12.24	3.36	6.30	7.38
		5.17	6.34	12.38	3.50	6.44	7.52

DAPATKAH SENASKAH AL-HUDA SETIAP KELUARAN

Mengandungi unsur
Keagamaan
dan pendidikan
yang harus dibaca
oleh Umat Muslimin
sekalian.

Boleh didapati
di Ibu Pejabat
BINA, Jalan Tun
Datuk Patinggi
Haji Abdul
Rahman Ya'kub
Petra Jaya,
93050 Kuching,
Sarawak.

قُلِّانَ مَدَنِي اللَّهِ هُوَ الْمَدَنِي
(المترجم: ١١٠)

Katakanlah: "Sungguhnyalah pertunjuk Allah adalah
pertunjuk yang sebenarnya." (Al-Baqarah 120)

**TERHAD
UNTUK PARA AHLI SAHAJA**

Ibu Pejabat,
Jalan Datuk Patinggi
Haji Abdul Rahman Yakub,
Petra Jaya, 93050 Kuching,
Sarawak, Malaysia.

Telefon: 082-443993,
082-443994 ext. 11 atau 31